

刑  
案  
匯  
覽

刑案匯覽卷五十三

目錄

親屬相姦

翁媳通姦因夫被殺將翁謀斃

子婦拒姦致斃伊翁請奏定例

強姦子婦被婦咬落脣皮

黑夜不知伊翁圖姦將翁咬傷

調姦義子之妻未成被婦咬傷

子婦拒姦後致翁被氏父毆死

調姦子媳被姪糾邀親屬毆斃

強姦子媳未成被氏親族毆死

圖姦養媳未成致被氏父毆死

調姦子媳後因頂撞謀殺子媳

因調姦不從事後活埋子媳

因調姦不從毆死子媳

調姦不從事後張揚謀殺子媳

圖姦子媳不從登時搭死滅口

圖姦婦媳不從折磨逼嫁自盡

強姦淫媳未成致婦自盡

調姦子媳不從將媳陵虐致傷

強姦十一歲童養義子婦已成

與義子婦通姦氏父殺女圖賴

強姦前夫之女未成被女毆死

與妻前夫之同居外孫媳通姦

誣執翁姦

誣父圖姦子媳致父被人毆死

奴及雇工人姦家長妻

雇工調姦家長之妻未成

遣奴調姦僱家長之母未成

遣奴調姦家長之妻未成

奴因圖姦不從殺死家長之女

雇工強姦家長妻已成婦自盡

大員與僕婦通姦致本夫殺妻

親王強姦使女已成致女自盡

雇工拒姦無據錫死雇主

家長之子調姦雇工之妻自盡

圖姦僕婦未成致婦益忿自盡

調姦僕婦不從被毆咬落舌尖

蒙古台吉戶下人姦家長妻妾

姦部民妻女

旗員與官房看守之尼僧通姦

把總與民婦通姦後娶爲妻室

經歷家人收留罪犯之女通姦

大使與民婦通姦並留管家務

居喪及僧道犯姦

尼姑犯姦杖罪的決枷號收贖

道士和姦有夫之婦

道士嚇逼有夫之婦通姦

僧人和姦敗露姦婦自盡

僧犯姦揚情節狡詐不准投首

僧與迫薦亡夫之婦通姦

僧尼道士犯姦應加枷號

官吏宿娼

職官挾優飲酒醉斃侵佔

買良爲娼

買良爲娼及窩娼宿娼

價買被夫休棄之婦爲娼

價買犯姦之婦送往窖內賣姦

媒人不知旗女轉賣娼家爲女

雇覓良民引誘雛姦復令賣姦

開設俗堂雇覓良家子弟賣姦

開設剃頭鋪縱令鋪夥賣姦

開剃頭鋪雛姦徒弟復令賣姦



客店容留男子雜姦

拆毀申明亭

宗室毀損官廳門牆毆傷步甲

宗室拉勸裁跌扯折官廳鎗桿

旗員爭鬧踹折官廳鎗桿

因醉站立不穩扳壞官廳鎗架

屢次滋事復又爭鬪誤扳鎗架

旗人挾嫌扳折禁門長鎗圖賴

賭博

無論何項賭具凡賭輸贏皆是

造賣賭具已成不分已賣未賣

拾散三顆賭博仍照賭具擬徒

買得骰子給人聚賭抽分錢文

在途檢獲紙牌欲行售賣

販賣賭具未賣被獲

置買賭具欲賭未成

製造竹牌比照插畫紙牌

明知造賣賭具受雇雕刻

明知造賣賭具代將骰子押錢

賭犯因妻自盡始行首出賭博

誘賭局騙已立票據計贓科罪

誘賭案內出有賄具擬徒留養

設局誘賭逼欠釀命

積慣設局誘賭扣留行李

結夥誘賭勒寫田契作抵

因賭博威逼人致死

賭博威逼擬杖仍盡本法砌號

賭博刃傷擬徒 仍庸仍盡本法

父子造寶賭具 年老收贖留養

旗人窩賭不論久暫銷除旗檔

賭娼輟劫房鄰 淫匪房屋入官

步甲包庇賭博 應仍發黑龍江

京師民人邀集 抓金會

家主失察奴僕 偶然窩賭之例

囑託公事

大員子弟于預訟事寫信囑託

失火

禁卒疎防監犯失火燒斃九名

御書處失火案

文穎館失火案

漢票簽處失火

行宮被火延燒

行宮膳房失火

景陵房後失火

失火延燒房屋坍塌斃五命

太平倉內失火焚戶人等治罪

街市稠密之處毋許開花礮店

取械毆人挑草入火燒死二命

阻止採煤拆棚下期燒斃四命

典鋪失火當貨分別賠償

刑案匯覽卷五十三目錄終

刑案匯覽卷五十三

親屬相姦

翁媳通姦因夫被殺將翁謀斃

貴撫 奏姜袁氏謀殺伊翁姜起順身死一摺奉

上諭糜奇瑜奏審擬姜袁氏謀殺伊翁姜起順身死一案

已於摺內批交刑部連議具奏矣據該護撫另片奏稱

姜起順先與子知袁氏通姦復將子姜三妹致死淫惡

異常迨該氏悔過拒絕姜起順復圖續姦不允該氏詢

悉伊夫身死情由忿激將姜起順致斃若照他故逆倫

之案於審明後將該氏立予凌遲核與謀殺無辜尊長



者似覺無所區別候旨遵辦等語著交刑部將從前有  
無似此成案自係如何辦理之處查明一併具奏欽此  
隨飭詳查向來並無辦過與此情節相同之案惟查  
嘉慶十七年六月伊犁將軍奏邢傑強姦子婦邢吳  
氏未成被邢吳氏咬落脣皮一案將邢吳氏擬以斬  
決奉

上諭邢吳氏免其治罪等因欽此經臣部奏明嗣後子婦拒  
姦毆傷伊翁之案如實係情急勢危倉猝捍拒仍依  
律定擬法司將應否免罪之處奏請

定奪等因又十八年三月山東巡撫題張張氏先與崔南  
東通姦後經悔過拒絕伊翁張保成因該氏素本不  
端起意謂姦樓住該氏項脖親嘴該氏情急咬落張  
保成舌尖一案該省將張張氏擬斬立決聲明血非  
有心干犯經臣部照擬核覆恭錄刑部案內

諭旨奏請

定奪奉

旨九卿定擬具奏欽此當經九卿議奏查張張氏先與崔南

東通姦雖經悔過拒絕究屬先曾犯姦之婦與邢吳

氏之素係貞婦者不同未便遽請免罪若由斬決改  
爲監候是以致傷殘倫傷化之翁而乃使之久羈囹  
圄亦不足以示平允衡情定讞應請將張張氏於斬  
罪上量減一等擬流援

赦累減擬徒杖決徒贖等因奉

旨張氏從寬免死照例累減發落等因各在案此案妻袁氏

因伊翁妻起順先將伊逼脅成姦後又竊姦一次嗣

在房說笑被伊夫妻三妹撞見將伊毆打該氏卽悔

過拒絕遇妻起順至家避不見面妻起順因子礙眼

起意將姜三妹捏首忤逆令楊小五等往拿送官致  
姜三妹被楊小五等毆斃姜起順捏係被不識姓名  
人毆死報驗詳緝迨姜袁氏盤出實情氣忿將姜起  
順謀殺斃命查姜袁氏因姦致夫被毆身死比照子  
孫因姦致祖父母父母被殺罪應絞決其與伊翁通  
姦例應斬決至謀殺伊翁身死則罪應凌遲該氏與  
伊翁通姦在先較之伊犁邢吳氏之本係貞婦及山  
東張張氏先與別人通姦者不同其將伊翁謀殺身  
死又與邢吳氏張張氏僅將伊翁咬傷者亦異現在

查無似此成案案關倫紀

臣部

為執法衙門應將姜

袁氏仍照謀殺夫之父母已殺律凌遲處死惟此等

瀆倫傷化行同禽獸之翁若將該犯婦擬以寸磔誠

如所奏與謀殺無辜尊長者無所區別查張張氏舊

案係先經犯姦咬傷圖姦之翁既得由斬減流則此

案姜袁氏先既為翁逼脅成姦後因夫被殺謀死復

圖續姦之翁可否即由凌遲量減為斬決之處恭候

欽定道光二年七月初二日奉

旨姜袁氏著照刑部所議改為斬決餘依議欽此

諭帖

子婦拒姦致斃  
伊翁奏請定例

安撫 奏查律載妻妾毆夫之父母者斬殺者凌遲  
處死等語誠以媳之於翁名分甚嚴故有犯與子孫  
同科若爲翁者罔顧綱常強姦其媳亂倫傷化行同  
禽獸猝然被媳拒傷實係肇由自作是以嘉慶十七  
年伊犁將軍審奏邢傑強姦子婦邢吳氏未成被邢  
吳氏咬落脣皮一案將邢吳氏照子婦毆傷伊翁本  
律擬以斬決奉

上諭邢吳氏免其治罪經刑部奏明嗣後子婦拒姦毆傷伊  
翁之案如實係情急勢危倉猝捍拒仍依本律定擬

法司將應否免議之處奏請

定奪等因纂爲定例至于婦拒姦致死伊翁之案作何治罪例無明文推原其故蓋此等收倫傷化之事非但主所不恒見亦爲人類所不忍聞故例無治罪專條然

戾氣所鍾難免莠長錯出

臣

近閱邸抄有陝西留壩

廳民婦林謝氏被伊翁林峒亨強姦不從將其莖物割落因傷身死一案該省亦照妻毆夫之父母殺者本律問擬援照道光三年張氏成案奏奉

諭旨改爲斬監候仰見

皇上於明勅之中仍寓矜卹之意惟查林謝氏與張氏兩  
案其事雖同其情迥異張氏係被其翁張起坤強姦  
已成同其夫張安將張起坤毆死此乃事後同毆洩  
忿並非臨時拒姦而林謝氏之案因被其翁林惲亨  
摟住項頸拉開自己下衣露出莖物聲稱總欲姦成  
此時謝氏欲避不能欲從不可情勢迫於俄頃汚辱  
在於須臾當此無可奈何之際適有剃刀在旁因取  
刀割其莖物只欲苟全名節無暇計及死生此實廉  
恥之心之所激成而貞烈之氣之所勃發也假令謝



氏拒之不急受其強暴則失身內亂卽於名節有虧  
並陷其翁以斬決之罪今幸不致被污又以捍拒斃  
翁干犯名分身罹重辟是名分名節旣難兩全而被  
姦拒姦總有一失人生不幸莫此爲甚若謂其旣能  
摸刀儘可自刎明志此則責備賢者之詞而非鄉曲  
愚婦倉猝之際所能計及况婦女拒姦登時殺死凡  
人律得勿論今因死係其翁仍擬重罪原以倫紀所  
關不容竟置不議然其露體求姦之際天理人心漸  
滅已盡此係翁之自滅倫常並非婦之輕於干犯核

其情節較張氏之案尤爲可憫此等犯婦秋審時自  
蒙

恩宥酌予免勾但久繫囹圄似尙非推廣

皇仁之道况查道光七年有安徽省民人劉春孜救護情  
切誤傷其父身死一案亦蒙

聖恩改爲斬候入於秋審情實免勾永遠監禁在案今以  
拒姦完節之婦適斃亂倫義絕之翁既蒙

聖明矜恤曲子生全而減等無期幾與戕及所生者無所  
區別亦非所以昭平允若因一經減等卽例應收贖

夫婦之間必有難處自應飭令離異歸宗臣愚昧之

見應請

旨勅下刑部酌定例文嗣後子婦拒姦毆斃伊翁之案如  
果實係猝遭強暴情急勢危倉猝捍拒毫無疑義者  
仍照本律定擬刑部核覆時援引林謝氏成案將可  
否改爲斬候之處奏請

定奪如蒙

恩旨改爲斬候即將該犯婦入於秋審情實一次後改爲  
緩決緩決一次後准其減等收贖離異歸宗庶翁媳

之義分命嚴而窮蹙貞烈之婦得以遲邀

寬典倘係事後裝點並無確切證據或設計誘陷伊翁因  
而毆死者仍不得濫以此例等因具

奏前來查律載妻妾毆夫之父母者斬殺者凌遲處死  
又例教子婦拒姦毆傷伊翁之案審明實係猝遭強  
暴情急勢危倉猝捍拒仍依毆夫之父母本律定擬  
刑部核覆時恭錄刑部案內

諭旨將應否免罪釋放之處奏請

定奪各等語誠以翁媳名分甚重雖其翁罔顧倫常而子

媳斷不可輒行毆殺有犯仍應依本律定擬至子媳  
因被強姦拒傷伊翁奏請釋放之例係嘉慶十七年  
恭奉

諭旨欽定而拒姦殺死伊翁向無奏請之例查道光三年

七月

臣

部議覆直隸總督奏張安因伊父張起坤強

姦伊妻張氏已成同妻將張起坤毆傷身死審將張

張氏依律凌遲處死聲明已死張起坤瀆倫傷化該

氏忿激致斃與無故逞兇于犯者不同請將張張氏

量減爲斬監候奏奉

諭旨張張氏著照刑部所議改爲斬監候欽此又四年五月臣部議覆四川總督奏薛傅氏因被伊翁薛桂蘭強姦用斧將薛桂蘭拒砍身死審將薛傅氏依律凌遲處死聲明已死薛桂蘭淫亂戕倫該氏情急拒殺與無故逞兇于犯者不同請將薛傅氏量減爲斬監候奏奉

諭旨薛傅氏著改爲斬監候等因欽此又七年七月聖龍江將軍奏伊爾根覺羅氏因伊翁扎倫保貪夜圖姦將扎倫保拒殺身死審將伊爾根覺羅氏依律凌遲

處死聲明該氏恐被姦汚情急拒戮與無故逞兇王  
犯者不同援引張張氏薛傅氏二案奏請

定奪奉

旨伊爾根覺羅氏著卽照成案改爲斬監候等因欽此又  
本年四月陝西巡撫奏民婦林謝氏被伊翁林惲亨  
強姦不從將其莖物割落因傷身死審將林謝氏依  
律凌遲處死聲明林惲亨亂倫強姦子媳該氏割中  
情急與無故逞兇于犯者不同援引張張氏薛傅氏  
伊爾根覺羅氏三案奏請

定奪奉

旨林謝氏著改爲斬監候欽此各在案今該撫請將子婦拒姦毆斃伊翁之案仍照毆夫之父母本律定擬刑部核覆時援引林謝氏成案奏請改爲斬監候之處酌定例文係爲曲體人情矜全貞婦起見應如所奏辦理應請嗣後子婦拒姦毆斃伊翁之案如果實係猝遭強暴情急勢危倉猝捍拒確有證據毫無疑義者仍照毆夫之父母本律定擬刑部核覆時援引林謝氏成案將可否改爲斬監候之處奏請



定奪若係有心干犯事後裝點捏飾並無確切證據或設  
計誘陷伊翁因而致死及事後毆斃並非倉猝捍拒  
致死者仍照本律定擬不得濫引此例如蒙

俞允臣部卽纂入例冊永遠遵行再該撫奏稱此等犯婦

如蒙

恩旨改爲斬候卽入於秋審情實一次後改爲緩決緩決  
一次後准其減等收贖離異歸宗等語查服制案內  
由凌遲斬絞立決改爲監候人犯秋審向俱列入服  
制情實如蒙

恩免勾應候情實二次後方准會同大學士奏改緩決緩  
決三次後奉有

恩旨方准分別減等卽期服以下卑幼毆故殺淫惡蔑倫  
罪犯應死尊長尙皆如此辦理况婦之於翁倫紀攸  
關豈得較期親以下尊長轉輕至服制情實人犯有  
奉

旨免勾永遠監禁者亦係出自

聖裁非<sub>臣</sub>下所敢豫擬該撫援引該省鄧春孜救護誤鑒

其父奉

旨永遠監禁成案亦與此等拒姦致斃其翁之案情節迥異應毋庸議

道光十年奏准通行已纂例。成案錄後

直督奏張安因伊父張起坤強姦伊妻張張氏已成將張起坤毆斃一案查張張氏因夫張安赴地工作被翁張起坤調姦喊嚷張起坤用手按住其嘴拉進該氏所住東屋強行按倒炕上將身壓伏拉褲張張氏掙扎張起坤將其兩手捏住強行姦污張張氏大聲喊嚷時張安回家聽聞進房喝斥張起坤跑走出院張安趕上將張起坤抱住摔跌倒

地張張氏亦卽趕出拾起木鉤頭毆傷張起坤左  
肋左脇等處張安亦川石毆傷張起坤頂心顙門  
骨損殞命除張安依律凌遲先行正法外張張氏  
應依毆夫之父死律凌遲處死惟查子婦毆斃翁  
姑律應寸磔係指無故毆死尊長者而言今死者  
張姦子婦已成木屬瀆倫傷化罪犯應死該氏被  
污不甘一時忿激同夫將張起坤毆斃與無故逞  
兇干犯者不同核其情節實可矜原查貴州省姜  
袁氏謀殺伊翁一案該氏係被逼脅成姦後復續

姦一次已屬強姦和成罪干駢首因死係應死罪  
人經臣部議將該氏由凌遲減爲斬決蒙

恩允准在案今張張氏係被伊翁強行姦污該氏律不坐  
罪其隨同伊夫張安將伊翁毆打實由一時忿激  
所致且伊翁因被張安毆傷頂心等處致斃並非  
死於該氏所毆之傷核與姜袁氏謀死和姦之翁  
情節較輕可否將該氏由凌遲改爲斬監候恭候

欽定奉

旨張張氏著照刑部所議改爲斬監候欽此

咬撫奏林謝氏之夫林學儒傭工外出伊翁林帽亭  
賃夜潛入該氏臥房拉褲強姦該氏恐被姦汚情  
急拒毆割落林帽亭莖物致斃將林謝氏擬以窆  
遲援引張張氏之案聲請量減經刑部查道光三  
年七月直隸省張張氏毆死強姦之翁張起坤四  
年五月四川省薛傅氏砍死強姦之翁薛桂蘭七  
年七月黑龍江伊爾根覺羅氏因伊翁扎倫保姦  
夜圖姦恐被姦汚情急拒戳致斃三案均隨案聲  
明奉

旨改爲斬監候在案今林謝氏情事相仿應恭候

欽定奉

旨林謝氏著改爲斬監候餘依議欽此

山東司 嘉慶十七年六月十三日奉

強姦子婦被婦  
咬落唇皮

上諭晉昌奏審擬邢傑強姦子婦邢吳氏未成被邢吳氏  
咬落唇皮將邢吳氏照律擬斬請旨定奪一摺此案邢  
傑茂倫行強姦媳之義已絕從前乾隆年間江蘇省民  
人蔡通撞遇伊叔與伊妻行姦刃傷胞叔原擬絞決經  
部議照律勿論蔡通以男子捉姦刃傷胞叔尚從寬貸

今邢吳氏係屬婦女將遭強暴情急咬落伊翁唇皮其  
情節斷非裝點與無故干犯尊長者迥別邢吳氏應照  
律勿論免其治罪邢傑照例調發烏什葉爾羌等處爲  
奴該部知道欽此又六月十七日奉

聖旨綸奏前在山東巡撫任內有安邱縣民人王錫強姦  
子媳王孟氏未成致被王孟氏咬落舌尖一案與近日  
晉昌所奏邢傑強姦子婦邢吳氏未成被邢吳氏咬落  
唇皮案情相同現在邢吳氏已照律勿論伊前辦王孟  
氏一案因格於妻毆夫之父母成例擬以斬決奉旨改



爲監候秋審情實二次未經勾現仍監禁可否一體  
免其治罪等語著交刑部查明王孟氏案情與邢吳氏  
相同卽行釋放並著該部檢查各直省有與此二案情  
飾相仿者均奏明畫一辦理欽此查原擬斬候之民婦

孟氏已據山東巡撫咨報於上年十一月在監病故

應毋庸議遵將節年辦過現在監候各案逐細檢閱

查有乾隆五十年山東省民婦韓氏因與姦夫張可

習談笑經伊翁趙剛撞遇斥罵張可習教令誘引伊

翁挈其柄據使不敢管束以便往來該氏聽從乘間

韓氏聽從姦夫  
誣誘伊翁調處  
案載干名犯案  
條

勾引伊翁親嘴咬落舌尖將該氏於廳擬斬決罪上  
量減擬斬監候入於秋審情實二次蒙

心免勾奏改緩決二十四次又嘉慶十四年河南省民婦  
趙氏因被伊翁張萬言按壓在牀將褲撕破強欲行  
姦該氏恐被污辱一時情急順取鐵錐扎傷張萬言  
右臂張萬言始行釋手趙氏旋回母家向伊父趙世  
占哭訴趙世占氣忿帶同伊子趙平姪孫趙學周往  
尋張萬言理論張萬言混罵被趙學周等共毆致斃  
研鞫該氏尙無唆父糾毆情事將趙氏依妻毆夫之

父律擬斬立決聲請量減斬候入於秋審情實二次  
蒙

恩免勾於上年十二月間奏改緩決查韓氏身犯姦淫復  
誘陷伊翁爲挾制地步奸險敗倫情法俱無可原趙  
氏猝被伊翁按壓撕禪強欲行姦該氏倉猝拒姦取  
雖向扎尙非無故干犯唯伊翁被該氏母家親屬毆  
斃雖無王使糾毆情事究由該氏向伊父趙世占訴  
述所致核與邢吳氏案情節不同未便准甘免罪應  
仍照原擬俱歸秋審緩決案內辦理伏查翁媳名分

禁重與提滋毆傷犯姦期功以下母長律得勿論者  
迴殊是以向來辦理子媳拒姦毆傷伊翁之案俱仍  
按律問擬斬決將情有可原之處附疏聲請改擬斬  
候今邢吳氏案已蒙

聖恩免其治罪將來遇有以此案件自應分別欽遵核辦  
惟是獄情萬變真偽難知况閨幃曖昧尤易啟狡詐  
之端卽如韓氏之聽從姦夫誘陷伊翁皆不可不防  
其漸但此等蔑倫無恥之徒其平日必有行止不端  
之事鄰佑親串諒必人人周知况圖姦情切其形跡

必有可疑家門以內之人朝夕聚處早應窺破卽當時子媳拒姦致傷伊翁豈無聲息尤難掩人耳目必當核實究明期無枉縱臣等公同酌議應請嗣後子婦拒姦毆傷伊翁之案審明實係猝遇強暴情急勢危倉猝捍拒或伊翁到官供認不諱或親串鄰佑指出素日淫惡實跡或同室之人確有見聞證據毫無疑義者仍依毆夫之父母本律定擬臣等於核覆時恭錄現奉

諭旨將應否免罪釋放之處奏請

黑夜不知伊翁  
因姦將翁以傷

定奪倘係有心干犯事後裝點損飾並無確切證據或故

計誘陷伊翁因而致傷仍照本律擬罪等因奉准

嘉慶十七年通行已纂例

河南司 查律載妻毆夫之父母者斬又例載子婦

拒姦毆傷伊翁之案審明實係猝遇強暴情急勢危

倉猝捍拒伊翁到官供認不諱毫無疑義者仍依毆

大之父母本律定擬刑部核覆時恭錄刑部案內

諭旨將應否免罪釋放之處奏請

定奪各等語此案翟氏因伊翁霍登龍於黃昏時乘伊

在房和衣睡熟拉褲圖姦該氏驚醒黑暗中不辨何人當向喝問霍登鼐慮恐該氏聲張卽用手按住該氏之口該氏情急咬傷霍登鼐手指霍登鼐喊痛該氏聽聞伊翁聲音鬆口坐起霍登鼐又將該氏按倒撕褲強欲行姦該氏掙拒喊救霍登鼐當卽逃逸該氏未被姦污該撫將霍登鼐依律擬軍以霍岳氏黑暗中不知伊翁圖姦咬傷伊翁手指實屬犯時不知應依凡論照本婦毆傷圖姦強姦未成罪人勿論例勿論等因各部查霍岳氏於黑夜被伊翁強姦咬傷

調姦義子之妻  
未成被婦咬傷

伊翁手搢雖候犯時不知但係夫之父母倫紀攸關  
未便徑依凡人予以勿論自應仍照毆夫之父母本  
律問擬援案奏請該撫將該氏予以勿論係屬錯誤  
應令該撫另行按例妥擬具題

道光八年說帖

江西司 審辦王建得調姦義子之妻王氏未成被  
王氏咬傷等情一案此案王建得因憑中將陳世芳  
之子寶兒過繼爲義子爲之娶妻王氏嗣王建得酒  
醉起意向王氏調戲捏稱口渴令王氏倒茶隨拉住  
王氏手腕自將中衣脫下向王氏求姦王氏不允王



建得將其項頸撲抱王氏情急彎身咬傷王建得整  
物王建得負痛鬆手王氏告知伊夫王寶兒具控轉  
送到部查調姦義子之婦及義子之婦拒姦毆傷義  
翁律例均無治罪明文惟比引律內有姦義子媳比  
照姦總麻以上親擬徒之條若將調姦義子之婦不  
比照姦總麻以上親例擬以滿徒又與已成姦者罪  
名漫無區別自應比附量減問擬至拒姦毆傷義翁  
與毆傷親翁不同例內子婦拒姦咬傷親翁尙止應  
依律問擬奏請釋放義子之婦毆傷調姦義翁其義

子婦拒姦後致  
翁被氏父毆死

翁調姦之罪既得以親情稍殺量從寬減則拒姦毆  
傷之罪自應予以勿論以昭平允該司將王建得此  
依姦義子婦滿徒律上量減一等擬以杖九十徒二  
年半王氏照凡人毆傷調姦罪人例勿論均屬允協  
應請照辦

道光八年說帖

吉林將軍 咨李榮財戮死判囑洪一案查例載本  
夫及有服親屬殺死圖姦未成罪人無論登時事後  
俱照擅殺罪人律擬絞監候又律載妻毆夫之父母  
者斬立決各等語又嘉慶十七年六月奉

上諭晉昌奏審擬邢傑強姦子婦邢吳氏未成被邢吳氏  
咬落唇皮將邢吳氏照律擬斬請旨定奪一摺此案邢  
傑蔑倫行強姦媳之義已絕邢吳氏係屬婦女猝遭強  
暴情急咬落伊翁唇皮其情節斷非裝點與無故干犯  
尊長者迥別邢吳氏應照律勿論免其治罪等因欽此  
當經臣部議請嗣後子婦拒姦毆傷伊翁之案審明  
實係猝遭強暴情急勢危倉猝捍拒確有證據毫無  
疑義者仍依毆夫之父母本律定擬臣部於核覆時  
將應否免罪釋放之處奏請

定奪等因恭纂爲例頒行各省在案此案李榮財之女李鳳兒許配趙幗洪之子趙勇爲妻童養過門尙未成婚趙幗洪先向李鳳兒調戲圖姦李鳳兒哭喊經伊祖翁趙倫等勸慰而息嗣趙幗洪復夤夜赤身向李鳳兒調戲並拉李鳳兒左手李鳳兒叫喊拔針向其下身刺扎致將趙幗洪墜物扎傷李鳳兒連夜奔回母家向李榮財哭訴趙幗洪亦尾隨至稱係李鳳兒誣賴欲向李鳳兒奔毆李榮財不依趙幗洪即將李榮財髮辮揪住用拳毆打李榮財情急用刀戳傷

趙幗洪右肋殞命該將軍將李榮財依攬殺律擬絞  
聲稱被殺之趙幗洪於伊未婚媳拒姦奔回母家後  
不知愧悔仍敢追赴伊媳母家逼喚同歸其廉恥全  
消無復人理迨李鳳兒之父李榮財不依該犯職將  
李榮財揪解按毆尤爲兇橫使李榮財一聽兇聲非  
惟身不自保恐其女仍不免強暴之污乃一經格鬪  
兇徒非命事出意外情可曲原可否將李榮財依攬  
殺姦罪上其減一等擬流卹或以死者深夜驚赴人  
家追所欲姦之兒媳徑依夜無故入人家已就拘執

擅殺律擬提聽候部議並稱李鳳兒係趙暢洪童養  
子媳尙未成婚名分未定其被趙暢洪調戲用針刺  
傷趙暢洪一節未便遽依妻毆夫之父母問擬而聘  
定已久已在家童養職有干犯亦未便徑依凡論李  
鳳兒應請於妻毆大之父母斬罪上量減二等擬徒  
收贖並聽仍與趙勇婚配等因咨部查夜無故入人  
家已就拘執擅殺擬徒之律係指姦盜未明者而言  
若姦盜已明則自有擅殺姦夫竊賊之本例可循不  
得率行牽引至罪人拒捕格殺勿論之律係指死者

持仗拒捕者而言若死者並非持仗卽不得以格殺  
論卽使死者蔑倫傷化又復逞兇亦應俟秋審時以  
情可矜憫分別辦理不得於定案時卽聲請量減此  
案趙欄洪圖姦童養子媳同屬蔑倫傷化李榮財聞  
知伊女被趙欄洪調戲圖姦將其戳傷身死正應照  
有服親屬擅殺圖姦未成罪人擬絞之例定擬該將  
軍聲請於擅殺殺罪上量減擬流或依夜無故入人  
家已就拘執擅殺律擬徒之處均與例未符李榮財  
一犯應卽依有服親屬殺死圖姦未成罪人無論登

時事後俱照擅殺罪人例擬絞監候李鳳兒雖係趙  
憫洪聘定未婚之媳惟既經過門重養翁媳名分已  
定如係逞兇犯尊自應照律取問不得稍從末減今  
趙憫洪屢向李鳳兒圖姦已有祖翁趙倫等供詞足  
證李鳳兒因拒姦情急用針將其戳傷案情已屬確  
鑿自應照例將應否免罪釋放之處奏請

定奪該將軍將李鳳兒於妻毆夫之父母斬罪上減二等  
擬徒亦屬錯誤李鳳兒應仍依妻毆夫之父母本律  
擬斬立決該氏拒姦情急確有證據應照例請



旨定奪如蒙

聖恩免其治罪臣等行文該將軍將李鳳兒卽行釋放其

趙勇愿否與李鳳兒婚配聽其自便嘉慶二十二年奉天司說帖

晉撫題何成武向繼子之妻史氏調戲不從被胞

姪何玉保糾同史氏堂兄史千小子等毆傷身死何

玉保並非在場習毆該撫仍照律定擬斬決一案並

據該司查出四川司閭開糾毆大功兄致死原謀並

未在场酌議附近充軍成案呈

堂批核職等查毆死期功尊長罪名同一立決而應否

調姦子媳被姪糾邀親屬毆斃

分別首從則例有區別毆死功服尊長除下手傷重  
致死首犯分別服制凡人各依本律辦理外其爲從  
之卑幼應照爲從律減等擬流是以鬥開成案因凡  
人原謀律止擬流將鬥開加重一等擬軍至毆死期  
親尊長律內指明不分首從在下手傷重致死者亦  
應分別服制凡人各依本律科罪其非下手毆死之  
卑幼無論原謀聽糾有無幫毆一經與謀卽應照律  
斬決與鬥開成案應分首從者不同今該撫將何玉  
保擬斬立決係屬照律辦理惟查案內情節尙多支

離如果所審屬實雖不應夾發聲請亦尙可照情輕之例於本內敘明若該犯另有如姦別情卽應直擬斬決不得再爲聲敘案情旣未確實引斷卽有關出入自應駁令覆審至案內下手傷重致死之史千小子係史氏堂兄例得提姦該撫將該犯照擅殺律擬絞餘人史四虎史心順均擬滿杖與律相符應請先行照覆

棄尾查律載姪毆期親伯至死者不分首從皆斬又例載毆死本宗期功尊長罪千斬決之案如係情輕該撫按律例定擬止於案內敘明不得兩請

法司會同核覆亦照本條擬罪如核其所犯情節實  
可矜憫者夾簽聲明恭候

欽定等語此案史千小子係何成武繼子何根成之妻史  
氏大功堂兄因何成武向史氏調戲該犯聽從何成  
武之胞姪何玉保糾毆該犯將何成武毆傷殞命應  
以該犯擬抵應如所題史千小子合依罪人不拒捕  
而擅殺律擬絞監候至何玉保一犯係何成武期親  
服姪何成武向繼子之妻史氏捏腳調戲不從當被  
喊破自知理曲情虛焉敢屢次逞兇毆罵且何玉保

先經遇見將何成武勸回嗣何成武又至史氏家打門叫罵何玉保恰值經過兩次均有該犯在旁何以相值如此之切何玉保以理解勸並無觸犯之言何成武何忽遷怒以何玉保平空捏姦污讎何玉保因被誣當時並未與較何忽於次日起意糾毆誠恐該犯與史氏果有曖昧別情陽託爲忿激之言實陰挾其妒忌之計雖所擬罪名同一立決惟查毆死期親尊長之案情輕者例止本內敘明其情可矜憫者例應夾簽聲請如果何玉保實無別情委因向勸反被

強姦子媳未成  
被氏親族毆死

誣姦因而糾人毆打致何成武被史干小子等毆傷  
斃命雖該犯有心謀毆胞伯與夾姦之例未符而死  
者係傷化罪人該犯又未在场同毆按例得於本內  
敘明是案情一有未實引斷卽關出入應令該撫提  
犯研鞠實情按例妥擬

嘉慶二十年說帖

晉撫 題冀法貴其毆胡應身死一案查冀法貴係  
胡應子媳冀氏之父冀法昇總麻服弟胡應向冀氏  
調戲不依起意強姦將冀氏按倒撕破其褲冀氏喊  
嚷被胡應揪住頭髮用拳向毆並未成傷經勸各散

冀氏回歸母家向冀法昇哭訴冀法昇患病告知冀  
法貴囑往理論冀法貴胞弟冀二米貴仔並堂姪冀  
大有族孫冀二妮子聽聞氣忿偕同冀法貴至胡應  
家冀法貴即冒胡應強姦兒媳如同牲畜胡應回冒  
冀法貴順拾木板毆傷胡應右腳踝冀二米貴仔等  
用棍棒連毆其髮際等處胡應混罵冀法貴又用木  
板毆傷其顛門等處殞命查胡應強姦子婦未成經  
鄰佑供證確鑿實屬罪人冀法貴等係冀氏之父有  
服親屬且係聽從氏父往論將其毆傷身死即應以

圖姦獲媳未成  
致被氏父毆死

擅殺科斷該省將與法貴依罪人不拒捕而擅殺律

擬絞監候係屬照律辦理應請照擬

嘉慶二十年諭帖

奉尹 題王谷義毆傷姜忠身死一案查王谷義因

姜忠之子姜復有媒聘伊女滿兒爲室過門童養嗣

姜忠欲與滿兒睡宿因其不依姜忠旋與其子姜復

有等食飯卽藉稱飯硬欲打滿兒經姜復有等跪求

而息迨姜復有等外出送殯兵懇姜忠至家照看

姜忠竟夜捏稱有病令滿兒烹茶與飲叫開房門向

滿兒聲稱同睡并用手拉其中衣滿兒不依大聲喊



囑經姜富彥趨至喝散王谷義聞知氣忿與妻劉氏  
往接滿兒回家姜忠不允並向劉氏趕毆王谷義攜  
棍迎截姜忠胸膛跌地因其罵罵復用棍毆數下  
致傷其左脊脊等處殞命查姜忠兩次圖姦伊媳滿  
兒既據在場喝阻之姜富彥等俱證確繫富彥殺倫  
罪人王谷義係滿兒之父其將姜忠毆斃命實由  
激於義忿自應以擅殺罪人科斷該府尹將王谷義  
依有服親屬擅殺圖姦未成罪人無論登時事後俱  
照擅殺律擬絞監候情罪相符應請明昭覆  
嘉慶十八年說帖

調友子媳後因  
頂撞謀殺子媳

刑案匯覽

川督 題劉瞻位圖姦子媳賈氏未成越日毆傷賈  
氏身死一案查例載親屬和姦律應死罪者若調姦  
未成杖一百流三千里又強姦未成毆傷本婦越數  
日身死者照因姦威逼致死律擬斬監候又律載非  
理毆子孫之婦至死者杖一百徒三年又斷罪無正  
條援引他律他例比附加減定擬各等語檢查嘉慶  
二十年浙江省咨吳華三謀殺子婦汪氏一案吳華  
三調姦伊媳汪氏未成業已自認糊塗向氏母服禮  
寢息嗣汪氏欲與該犯分居並向頂撞氏叔汪樂亭

復提前事向伊屏嘗該犯懷恨遷怒汪氏謀殺斃命  
該省以吳華三先旣調姦子婦後復有心慘殺情節  
兇殘比照姑謀殺子婦之案伊媳僅止出言頂撞輒  
蓄意謀殺情節兇殘顯著例發伊犁爲奴經本部咨  
結在案此案據該督疏稱劉騰位於上年五月初五  
日向子媳賈氏調姦賈氏不從喊叫劉騰位跑躲經  
鄰居賈氏之母賈范氏同姪賈維然聞聲踵至詢悉  
情由將劉騰位理斥聲言送官劉騰位畏懼跑走十  
五日潛回走進廚房囑令賈氏煮飯賈氏聲言劉騰

位係無倫常之人不應多管劉騰位喝罵賈氏頂嘴  
劉騰位生氣用鋤背毆傷賈氏腦後因賈氏拉住衣  
服喊叫復連毆其偏右而逸賈氏延至二十二日殞  
命並聲明劉騰位調姦子媳翁媳恩義已絕應同凡  
論惟賈氏之被毆雖勢起於前日之拒姦而毆傷致  
死實肇端於是日之頂撞且圖姦非強姦可比又事  
隔七日未便照強姦未成毆傷本婦越數日身死一  
例問擬將劉騰位依鬪毆殺人律擬絞監候等因查  
調姦子媳不從復行毆斃之家全以毆打之時是否

因圖姦不遂爲斷今劉騰位調姦子媳賈氏未成如果因圖姦不遂當時將賈氏毆傷身死則恩義已絕應同凡論例無圖姦未成殺死本婦作何治罪明文應卽比照強姦未成毆傷本婦越數日身死之例擬斬監候今該犯於跑走數日之後始行潛回因囑令賈氏煮飯賈氏聲言該犯係無倫常之人不應多管該犯喝斥賈氏頂嘴以致該犯生氣拾鋤將其毆傷致斃是賈氏之被伊翁毆傷身死實由出言頂撞所致毋雖因調姦而起殺則與姦情無涉不得謂恩義

已絕概同凡論自應仍按毆死子婦並調姦未成各  
本律例從其重者定擬卽因該犯始則圖姦繼復以  
伊媳頂撞輒行毆斃亦不過於調姦未成流罪上加  
等擬軍未便卽照片圖擬以緣百乃該督旣稱劉騰  
位調姦子媳應同凡論復又聲明毆傷致死實肇端  
於是口之頂撞將劉騰位依凡人闖殺律擬絞監候  
聲敘旣屬兩岐引斷亦未允協且恐該犯於俯回之  
後復有圖姦不遂將其毆傷致死情事應駁令研訊  
確情按例妄擬去後旋據訊明實因頂撞毆斃並非

因調姦不從事  
復活之子媳

孽起圖姦是日未無復向圖姦情事將劉騰位改依

親屬調姦未成流罪上加未無發因運民軍道光元年說帖

順尹 奏送周嫺珍因調姦犯媳小王氏不從屢加

磨折並誣指與工人葛旺有姦翁媳之義已絕嗣復

疑小王氏捏造伊與長媳大王成有姦之言益加懷

恨遂起意暗囑小王氏之胞之王兆興並囑令伊次

子周鎖兒幫同將小王氏活埋致應應以凡論將周

咽珍依謀殺人律擬斬監候王兆興因誤信周嫺珍

誣指伊姪女王氏與葛旺有姦貪圖周嫺珍暗囑

同結埋訛係口虛贓貨與圖詐人財物致死與幼  
無異該犯係小王氏胞叔出嫁降服大功其幫同下  
手應比照功服增長圖詐他人財物謀殺卑幼仍依  
服制科斷例按故殺大功卑幼絞監候律係爲從減  
一等杖一百流三千里周鎖兒並未商同活埋臨時  
勉從父命幫同鑊土按爲從減等應擬滿流惟該犯  
畏父威嚇鑊土旋即手輟中止實屬勢非得已應再  
量減一等擬杖一百徒三年俱係附京莊屯旗人應  
照民人務順天府定地充配

嘉慶二十五年江蘇司  
現審案



因調姦不從毆  
死子媳

調姦不從事後  
張揚謀殺子媳

晉撫 題李懿青調姦子婦李曹氏不從毆傷李曹  
氏身死一案查道光二年四川省題劉騰位先因圖  
姦子媳賈氏不從嗣因賈氏頂嘴將賈氏毆傷身死  
比依親屬調姦未成流罪上加等擬軍又道光四年  
河南省題李潮淙因子媳蕭氏獨處兩次向其調姦  
不依蕭氏向其姑並夫李小妮等告知欲行自盡各  
向勸慰嗣李小妮令蕭氏做湯蕭氏推延並以人已  
將死之言向告李小妮慮恐說出調姦情由嚇禁住  
日蕭氏不服李小妮用繩將其毆傷李潮淙回家聽

聞蕭氏哭喊恐將調姦事情張揚起意致死滅口隨持木梭頭趕進房內連毆蕭氏左右肋等處身死該省聲明翁媳之義已絕將李潮淙依凡人謀殺律擬斬監候題結在案此案李懿青因見伊媳李曹氏在家獨處頓萌淫念走進臥房向曹氏調戲曹氏不依嚷罵李懿青跑出院內曹氏趕上向李懿青撞頭被李懿青用火鏈柄毆傷曹氏揪衣拚命李懿青用腳踢傷曹氏肚腹立時殞命雖非有心致死較李潮淙之恐將調姦事情張揚致死滅口者情節爲輕惟繫

起調姦當時將伊媳拒傷身死似此殘倫傷化倘何  
翁媳恩義之可言自應卽同凡論卽謂調姦非強姦  
可比亦應比照凡人鬪殺依律擬以絞首再查李懿  
青平日有無向伊媳曹氏圖姦情事是日究竟是否  
實係釀起圖姦且是日李懿青將李曹氏踢傷身死  
別無在場聞見之人並恐尙有強姦已成情事均未  
據審訊明確率將李懿青比依親屬和姦律應死罪  
者若強姦未成發邊遠充軍例上加一等擬發極邊  
足四千里充軍是僅科以圖姦子媳之罪置拒毆斃

國女姦子媳不從  
登時搭死滅口

命於不問殊失明刑弼教之意應駁令另行收擬

道光六年說帖

江西撫題革監伍濟瀛圖姦子婦彭氏不遂登時

搭死一案緣伍濟瀛娶妻物故伍彭氏係伍濟瀛長

子伍惠陽之妻於道光二年迎娶過門伍濟瀛自妻

身故搬至雜貨店內住歇日間回家照應家務有僕

婦夏蘭花係伍濟瀛之妻小劉氏家婢女與童僕謝

元發一同陪嫁至伍濟瀛家爲婢僕嗣因夏蘭花年

紀長大卽配與謝元發爲妻夏蘭花仍在伍濟瀛家

服役謝元發另屋居在伍濟瀛向與夏蘭花通姦已  
有十餘年伍濟瀛見子婦彭氏少女起意圖姦已非  
一日三年十月不記日期伍濟瀛央夏蘭花向彭氏  
說合夏蘭花不允是月二十六日夜伍濟瀛飲醉回  
家適伊父伍廷錫與子伍惠陽均往縣城誌局內修  
輯誌書伍濟瀛見彭氏在前進寢居弟婦大歐陽氏  
房內閒談伍濟瀛卽萌淫念潛入彭氏房中躲在帳  
內嗣彭氏回房睡歇揭開帳子上牀伍濟瀛用手摸  
其兩乳彭氏卽問伍濟瀛無恥并稱有何面目見伊

兒子揪住伍濟瀛欲同赴伍濟瀛之母老劉氏房中  
告訴伍濟瀛下牀拉住彭氏之手彭氏掙脫坐在地  
板上喊叫祖婆快來伍濟瀛用手按住其口彭氏仍  
喊叫不休伍濟瀛恐被伊母聽聞即將彭氏按倒地  
上用右手捺住咽喉塞其住口詎手勢過重旋即氣  
閉殞命惟時夏蘭花在屋補衣聽聞彭氏聲喊搗燈  
走至查看見彭氏業經身死向伍濟瀛問知情由伍  
濟瀛央其幫同裝吊夏蘭花不允伍濟瀛聲稱如不  
應允一併處死向其嚇唬夏蘭花畏懼允從伍濟瀛

囑其尋取帶條統在彭氏頸上將屍身懸吊裝點自縊情形吩咐夏蘭花不許聲張次早假意喊叫彭氏起來做飯希圖掩人耳目伍濟瀛仍回店中住歇次早夏蘭花叫彭氏不應經伍濟瀛之母老劉氏尋至倉屋內瞥見屍身喊稱彭氏自縊身死將屍解下伍濟瀛回家作爲不知卽通知彭氏之母彭張氏趕至看視屍身痛哭不止老劉氏向其勸慰伍濟瀛買備棺木將屍殮埋嗣經該縣訪問獲犯檢明屍骨實係搭傷致斃將伍濟瀛依例擬斬立決梟示等因具題

查例載強姦未成將本婦立時殺死者擬斬立決又  
強姦本宗總麻以上親及總麻以上親之妻將本婦  
殺死者分別服制擬以凌遲斬決梟示係外姻親屬  
免其梟示各等語例內止混言總麻以上親並未明  
言圖姦殺死子婦亦應照此例概擬梟示惟查強姦  
總麻以上親之妻未成致本婦羞忿自盡例應擬斬  
監候而強姦子婦未成致令自盡律止發邊遠充軍  
比例叅觀強姦致令子婦自盡既不與致令總麻以  
上親自盡之案同擬斬候則強姦致死子婦似未便



卽照強姦致死總麻以上親之例概擬斬決梟示各  
省從前辦過此等案件多照強姦總麻以上親殺死  
本婦之例擬以斬梟亦間有因致死之時距圖姦之  
時稍有間斷卽酌照凡人謀故殺律擬以斬候者上  
年十二月內山西省題李懿青圖姦子婦曹氏被罵  
跑出曹氏趕向撞頭李懿青將曹氏踢死一案該撫  
將李懿青照強姦子婦致令自盡例擬軍經臣部議  
駁具題奉

旨部駁其是此案民人李懿青向子婦曹氏圖姦圖姦曹

氏嘸罵拒毆被季懿踢傷殞命該犯驟起圖姦有嫌  
之義已絕自應比照凡人圖殺擬以縊首該撫率將李  
懿青照強姦子婦未成而婦自盡例加等擬軍是僅科  
以圖姦之罪而置拒毆斃命於不問罪名出入攸關著  
該撫查照部駁情罪詳加研鞠另行妥擬具題到日再  
交該部核議欽此行文該省在案現尙未據該首具題  
到部臣等查毆殺子婦律止擬徒故殺亦止擬流若  
因圖姦致死則恩義已絕應酌量從重辦理以示懲  
儆檢閱李懿青原案其致死曹氏之時已在被罵跑

走之後自應酌照凡鬪定讞至強姦立時殺死雖擬  
罪更應從嚴但既照凡人強姦立時殺死例擬斬立  
決已足蔽辜未便再行加重此案伍濟瀛因見子婦  
彭氏少艾起意圖姦已非一日伊子伍惠陽往縣城  
修輯誌書該犯潛入彭氏房中躲在帳內乘彭氏回  
房上牀睡歇摸乳圖姦彭氏斥罵並欲向犯母老劉  
氏告訴該犯下牀拉住其手復因喊叫即將彭氏按  
倒手摺咽喉斃命該犯伍濟瀛強姦子婦立時殺死  
實屬淫惡萬倫翁媳之義已絕該撫將該犯照凡人

例定擬情罪允當應如該撫所題伍濟瀛合依強姦未成將本婦立時殺死例擬斬立決至該撫仿照成案將該犯加擬梟示之處應毋庸議並通行各省盡一辦理其夏蘭花與伍濟瀛通姦並聽從移屍裝吊訊係迫於主命應免置議謝元發同妻夏蘭花本係劉家重僕婢女係伍濟瀛之妻小劉氏陪嫁至伍家配爲夫婦夏蘭花爲本案要證主僕恩義已傷若仍在伍家爲奴婢恐別滋事端所有謝元發夏蘭花應仍斷歸劉家爲奴婢又伍彭氏守正不汙非該被搭

鑒命節烈可嘉應請

旌表以慰貞魂而維風化等因道光七年六月二十三日

奉

旨任濟瀛著卽處斬餘依議欽此

通行

同姦婦媳不從  
折磨逼嫁自盡

廂黃旗滿洲佐領 呈報已故閑散福康之妻那拉

氏自縊身死一案派員相驗於該屍棉襖裏襟內起

獲呈詞一紙內稱伊因夫故守節伊翁常亮屢向調

戲因其不從尋毆磨折逼令改嫁伊不甘失節縊死

明志等情緣常亮原係刑部筆帖式前因毆死家奴

楊幅送部審非以法決責革職交旗在案該犯先經  
憑媒聘定同旗吏部筆帖式奎華之女給伊子福康  
爲妻尙未過門福康病故那拉氏卽過門守節嗣常  
亮在房飲酒那拉氏在旁站立常亮起意調姦用手  
拏杯令那拉氏與伊同飲那拉氏不從跑回已屋常  
亮氣忿隨屢次尋釁折磨後因那拉氏與使女口角  
常亮令使女毆詈並自行持刀向其嚇唬那拉氏之  
兄崇興曾赴提督衙門呈控經常亮陪禮寢息旋因  
常亮待妾之妹與那拉氏口角常亮令其向那拉氏

欺毆肆罵故意剝折欲令畏懼聽從迨六月間常亮  
赤身在房乘涼適那拉氏進房經侍妾雙喜拉衣將  
常亮下體遮蓋常亮故將下體所蓋之衣拉開令那  
拉氏睛看那拉氏避回已房常亮因屢向調姦不從  
益加氣忿起意逼令改嫁九月間那拉氏因有事欲  
回母家常亮故意刁難卽稱家內無事如欲回家須  
自行走回那拉氏隨自步行回家並向伊父等言及  
伊翁屢向調戲不從時被磨折各情經至華等勸慰  
送回常亮卽斥那拉氏步行回家之非不肯收留令

崇興等帶同改嫁并令家人將奎華喚至令勸其女  
改嫁不必再送回伊家奎華回向告知那拉氏不依  
聲稱如令改嫁定欲自盡奎華等隨將那拉氏送回  
常亮仍執意逼令改嫁詎那拉氏進房將門關閉自  
縊身死審據常亮供認不諱查律載強姦子婦未成  
而婦自盡照親屬強姦未成例科斷又例載親屬和  
姦律應死罪者若強姦未成發邊遠充軍又孀婦自  
願守志母家夫家搶奪強嫁孀媳不甘失節因而自  
盡者不論已未被污夫之父母杖一百徒三年各等



語此案常亮屢次圖姦守節子媳那拉氏不從任性折磨並令使女毆打冀圖該氏畏懼聽從卽與強姦無異嗣因圖姦不從復起意逼令改嫁以致該氏情急自盡查該犯欲將那拉氏改嫁按婦婦自願守志大家強姦因而自盡罪止滿徒卽因向該氏圖姦誣毀毆打欲令其畏懼聽從照強姦子婦未成而婦自盡律罪止邊遠充軍惟該犯先曾身任職官及緣事革職後不思安分膽敢向守節子婦圖姦並因其不從屢向折磨逼令改嫁以致貞烈之女抱忿輕生實

屬亂倫兒果應誦

旨將常亮發往新疆充當苦差以示懲儆該犯雖患癱症  
不准收贖時值隆冬亦不准停遣那拉氏係常亮爲  
伊子福康聘定未婚之媳福康病故即行過門守節  
其志亦屬可嘉迨伊翁常亮屢向調姦復因其不從  
折磨逼嫁該氏不甘失節捐軀明志洵屬節烈應請  
旌表以慰幽魂等因嘉慶二十五年十一月十九日奏奉  
旨此案常亮因圖姦守節子婦那拉氏不從屢向折磨逼  
令改嫁以致該氏抱忿輕生情殊可惡常亮著在該旗

強姦孫媳未成  
致婦自盡

律載誣執翁姪  
條

謂姪子媳不從  
將媳陵虐致傷

先枷號一個月滿口再行發往新疆充當苦差以示懲儆餘依議欽此 山東司現審案

晉撫題張進太強姦孫媳未成致婦自盡張進太應比照強姦子婦未成而婦自盡照親屬強姦未成例科斷律照親屬強姦未成擬軍例發邊遠充軍道光三年案

提督咨送張四屢次圖姦伊媳么兒不從捏稱該氏懶惰用火筋將其手指烙傷即與強姦無異若照已屬強姦未成本例擬軍尚覺情浮於法應將張四

强姦十一歲童  
養義子婦已成

王氏子婦而姦  
之父殺女同賴

加重發往新疆給官兵爲奴

嘉慶二十一年山東司  
視審案

晉撫 咨姚宗庫將年甫十一歲之童養義子婦楊

二女子强姦已成將姚宗庫比照强姦總麻以上親  
之法律擬斬監候義子姚八十六應令歸宗

嘉慶二十五年案

雲撫 咨王添錫與義子王小慶童養之妻唐氏通

姦氏父唐榮聞姦後將伊女唐氏毒斃圖賴一案查

比引律條載姦義子婦比依姦總麻以上親之妻律

杖一百徒三年又例載本婦之父母如有捉姦殺死

姦夫者其應擬罪名悉與本夫同科若止殺姦婦者  
不必科以罪名又本夫聞姦數日殺死姦婦審有實  
據者姦夫杖一百徒三年各等語此案王添錫與義  
子王小慶重養之妻唐氏通姦依比引律姦義子婦  
比照姦繼母以上親之妻律罪止杖一百徒三年其  
致姦婦唐氏被伊父唐榮於聞姦後毒斃比照木夫  
聞姦數日殺死姦婦例該犯王添錫亦罪止擬徒二  
罪相等該省將王添錫照木夫聞姦數日殺死姦婦  
姦夫杖徒例擬以杖一百徒三年係屬允協至唐榮

與長兄義媳通姦應同凡論累戕威逼人致死條

因王添錫與伊女通姦敗壞門風心懷忿恨起意將唐氏毒死誣賴王添錫強姦不從用藥毒斃查唐榮因伊女敗壞門風將其致死核與捉姦殺死者同一義忿其所誣賴者又係姦淫罪人不得與尋常懷嫉嫌隙殺女圖賴平人者並論卽因其誣賴強姦意圖拖累洩忿不便遽照捉姦殺死之例勿論衡情酌斷擬以不應重杖亦足以示區別未便引故殺圖賴之例科斷該省將唐榮於故殺子孫圖賴人軍罪上量減擬徒似覺情輕法重自應將唐榮改依不應重律

强姦前夫之女  
未成被女毆死

擬杖以昭平允

道光五年說帖

吉林將軍 咨劉中和强姦伊妻隨帶前夫之女大  
姪未成被大姪毆斃大姪應依毆繼父至死律擬斬  
監候惟大姪與劉中和服屬總麻仍比昭有服尊長  
强姦卑幼之婦未成被本婦忿激致斃如係外姪功  
總卑幼定案時依律問擬法司核擬隨案減流例杖  
一百流三千里

嘉慶十九年奉天司案

與妻前夫之同  
居外孫媳通姦

提督 咨送鄧玉娶已故趙九之妻劉氏爲誘該犯  
與劉氏前夫趙九之外孫馮春兒之妻李氏通姦馮

陝撫咨趙金山  
奏妻前夫之子  
媳比照前夫  
之女擬軍道光  
二年案

春兒相依該犯撫養多年稱該犯為外祖雖無服制  
已有外姻小功尊長名分將該犯比照姦外姻總麻  
以上親之妻軍罪上量減一等擬以滿徒李氏仍依  
軍民相姦例枷杖  
嘉慶二十一年浙江司現審案



誣執翁姦

誣父圖姦子媳  
致父被人毆死

子婦聽從姦夫  
誣誘伊翁調姦  
聚載千名犯姦  
條

直督題周常名行竊家內驢頭伊父周全德欲將  
該犯活埋經伊祖阻止之後因妻兄陳紅向詢彼父  
活埋之由該犯計圖掩飾輒敢不顧倫紀誣指其父  
周全德圖姦伊妻起釁以致陳紅聽信其言糾同陳  
挺等將周全德其毆斃命將周常名比照男婦誣執  
親翁欺姦律擬斬監候查周全德之死究由該犯造  
言誣陷所致罪不容誅應請

旨卽行正法

道光五年案

奴及雇工人姦家長妻

雇工調姦家長之妻未成

良賤相姦照軍民相姦例加一等杖六十徒一年不加枷號  
處二十五年浙省外結徒犯內  
徐葛氏案

刑案匯覽

山東司 查律載姦兄弟妻者姦夫姦婦各決絞又比引條例內兄調戲弟婦比依強姦未成律杖一百流三千里又例載親屬犯姦至死罪者若強姦未成發近邊充軍各等語是親屬犯姦固比凡姦加重仍分別已未成辦理至雇工姦家長妻律應斬決其調姦未成雖例無專條比類參觀自亦應於已成上量為酌減今山東省咨雇工妻小年調姦雇主之妻祝氏未成一案該撫將該犯依雇工人姦家長妻已成

斬罪上量減一等從重改發黑龍江爲奴向屬妥協  
似可照覆奉

批此案該撫比照親屬犯姦至死罪若強姦未成充軍  
之條加爲外遣自屬妥協本部旣無成案當以此案  
爲則可以仿照辦理應傳各司抄存

嘉慶元年說帖○嗣於十四年照此案纂例十九  
年改發回疆二十四年改發烟瘴

遣奴胡茲舊家  
長之母未成

奉天司 此案李景南係大逆緣坐發遣黑龍江之  
犯於嘉慶四年到配賞給全德爲奴嗣全德於嘉慶  
六年將該犯價典與廣路服役有干例禁自應仍以

雇工並無主僕  
名分姦家長妻  
被殺拒殺本夫  
依罪人殺捕人  
斬侯本婦仍枷  
杖道光三年陝  
督題何崇貴殺  
死李金柱案

主僕名分論今李景南調姦全德之母尙氏婦母裴氏未成殊屬不法現據該將軍審明尙未成姦且無損傷虐體毀裂衣服情事固未便科以死罪惟該犯以緣坐爲奴遭犯膽敢圖姦主母及家長婦母目無法紀較之平人調姦未成及山東省姜小年之案情罪爲重若不嚴行懲治無以昭名分而儆兇邪自應照例酌其情罪之重輕分別枷號杖責李景南一犯應在配所用重枷枷號一年滿日改發索倫達呼爾爲奴到配重責四十板

嘉慶十四年說帖

遣奴調姦家長之妻未成

詈如及雇工人姦家長妻

奉天司 查奴僕調姦家長之妻未成發黑龍江爲奴之例已於十七年改發回城爲奴在案此案王文義係邪教案內擬發黑龍江分給披甲拜丹保爲奴該犯調姦拜丹保之妻額蘇爾氏未成被獲該將軍援引十四年遣奴李景南調姦家長之母未成枷號一年改發索倫達呼爾爲奴舊案辦理查李景南之案係在未定例之先今既定有專條自應依例問擬應將王文義依例改發回城大小伯克爲奴

嘉慶十九年說帖

奴因圖姦不從  
殺死家長之女

雇工強姦家長  
妻已成婦自盡

大員與僕婦通  
姦致木夫殺妻

刑案匯覽

蘇撫 題吳周因圖姦段六拔姐不從用刀嚇逼因

其喊罵將段六拔姐立時殺死查吳周係段六拔姐

之父段文知契典奴僕例無奴僕強姦家長之女不

遂逞兇殺死治罪明文應仍依故殺定擬將吳周依

奴婢故殺家長尊卑期親律凌遲處死

嘉慶二十五年案

習撫 題雇工宋謀小則強姦家長吳元恒之妻喬

氏已成致氏羞忿自盡例無治罪專條應仍照雇工

強姦家長妻無論已成未成例擬斬立決

嘉慶二十一年案

江蘇司 嘉慶七年四月十八日奉

卷五十三 刑律犯姦

墨 奴及雇工人姦  
家長妻

上諭福昌等奏審擬革職京口副都統阿玉什因姦釀命  
請發新疆効力一摺此案阿玉什與家人王添幅之妻  
喬氏通姦經王添幅撞遇一時氣忿當將喬氏扎斃若  
依平人姦所獲姦將姦婦殺死本例姦夫應擬絞監候  
今王添幅係阿玉什契買家奴雖與常人有別而阿玉  
什身爲一品大員輒與僕婦通姦無恥已極且復釀成  
人命卽照平人例問擬絞首亦屬罪所應得但細閱供  
單始念阿玉什之父伊陞阿前在伊犁軍營陣亡伊母  
孀居守節情殊可憫阿玉什著卽照福昌等所擬發往

親王強姦使女  
已成致女自盡

新疆効力贖罪此係格外施恩嗣後如有大員不顧廉

恥與僕婦通姦釀命者竟當照平人一例定擬欽此

照通行錄○案內之木夫王添幅照例擬杖八十  
仍將王添幅父子放出爲民

提督 奏送豫親王裕興強姦使女寅格已成致寅

格羞忿自縊身死但寅格係裕興屬下包衣之女與

強姦平人婦女者有間應於平人強姦已成本婦自

盡斬候上量減一等擬流係宗室親王乃於

國服未除親喪未滿之時姦污使女致令自盡應比照

居喪犯姦加重辦理應革去王爵發吉林當差折圈



三年寅格照例

旌表世祿因女被姦具呈控告應革去六品典儀官依奴  
婢告家長得實擬以滿徒折卹再查禮親王昭璉陵  
店王屬莊頭程幅海之案曾奉

上諭此項地九頃六十畝著卽撤出賞給貝子奕純仍令  
程幅海承充莊頭以示矜卹等因應比照程幅海之案  
將包衣世祿撤出另行撥給別府當差

嘉慶二十五年奉天司現審案

東撫題邵興拒姦毆傷雇主潘清宇身死一案此

羅二拒姦無據  
錫死在土

案邵興受雇與潘濬亭家傭工是潘濬亭係該犯家長該犯用腳踢傷潘濬亭腎囊致斃按律罪應斬決該撫因覺起拒姦援引成案將邵興照闕殺擬絞等因查邵興年二十二歲潘濬亭年四十九歲雖長於該犯十歲以外但該犯踢傷係黑夜在潘濬亭房內其時房內雖無他人尙有其子潘治平等在家該犯如果被潘濬亭拉姦不從掙不脫身不難疾呼求救何至默無聲息輒踢其腎囊致命處所始行逃逸則所稱拒姦踢傷致斃之情祇該犯事後一面之詞並

無旁證且該犯受雇其家已及兩載此時邵興之年  
更少潘潛亭如果蓄意圖姦其平日必有向該犯戲  
謔勾引情事潘潛亭家內豈無一人見聞雖此案會  
經該臬司疑及該犯誣執主姦以出已罪委員覆訊  
並非誣姦屍子亦供無另有起釁別情但潘潛亭不  
調姦於邵興初來之時而圖姦於受雇二年之後其  
平日有無向該犯戲謔勾引之處總未訊明則所稱  
因姦起釁情由當場既無確證死者亦無生供平日  
又無形跡自難遽爲信讞卽因其子潘治平有詢問

伊父有自己原也不好之語信爲調姦被其拒殺實據案無可疑而雇工踢死雇主亦應仍照本律定擬聲明因姦拒死緣由恭候

欽定未便遽照關殺科斷至該撫所引乾隆十二年侍衛厄林保圖姦僕婦白姐被白姐割傷莖物將白姐滅等擬流一案又五十一年趙羣兒因妻關氏被伊主六十四姦占謀毒六十四未死按律問擬斬決奉

旨改爲絞監候一案比較定擬無論此案未經通行例不准引卽如白姐一案係傷而未死趙羣兒一案係按

本律擬斬欽奉

諭旨改爲絞監候亦不得援以爲例今以雇工毆死家長之案而引平常鬪殺人之律名分攸關罪名懸殊應令另行研訊妥擬去後旋據遵駁覆審查邵興受雇兩載初因內外隔絕未曾近身是以向無戲謔勾引情事迨潘潛亭因修理內室移居二門外客屋昏夜獨處衆工人俱已下鄉收麥令邵興進屋開鋪醉後忽萌淫念拉膊圖姦該犯掙不脫身因顧惜顏面未及喊救一時情急舉足踢傷潘潛亭於受傷後經伊

子再三查問只稱自己不好總未吐出弊端其爲圖  
姦被踢難以明告其子故出此後悔之語真情業已  
畢見則該犯之向踢致斃實由拒姦別無他嫌似無  
疑義惟是當場究無見證死者亦無訊取生供雇工  
踢死雇主名分攸關誠如部駁未便依常人拒姦而  
殺之例擬以絞候致滋輕縱將邵興改擬斬決等因  
具題經刑部照擬核覆奉

旨九卿定議具奏欽此經刑部等衙門會議查邵興被雇  
主潘濤亭拉姦掙不脫身情急一踢適斃既有屍子

問明其父生前之言足據是該犯實係拒姦圖脫並非無故逞兇于犯自應量予末減將邵興改為斬候奉

旨邵興依擬應斬著監候秋後處決欽此

嘉慶三年案○  
照駁案新編錄

家長之于嗣姦  
雇工之妻自盡

河撫題楊有圖姦雇工人曹三之妻赤氏致氏羞忿縊死將楊有照凡人擬絞等因查曹三夫婦係楊有之父楊文明雇工立有文約是楊有係屬曹三家長期親圖姦致死律例卽無明文亦未便遽同凡論蓋家長死雇工罪止滿徒故殺方擬絞候今

所擬不特名分未協且與改殺雇工亦無區別查強姦子婦未成而婦自盡律止擬軍以尊卑統屬不得概以常例擬絞是風化所在赤氏固例得請

旌而名分攸關楊有究未便擬辟應改照強姦子婦未成而婦自盡例擬軍赤氏墓前建坊祠內停其入祠設位乾隆二十年題准纂例○照平反節要錄

劉姦漢婦未成  
殺婦羞忿自盡

東撫 咨趙祥因伊父雇覓小郭張氏在家傭工迨小郭張氏懷抱趙祥幼子睡臥趙祥起意圖姦拉其褲腰小郭張氏驚醒喊罵經趙祥之母聞聲趨勸小



郭張氏抱忿服毒身死將趙祥比照家長之有服親屬強姦雇工人妻女未成致令羞忿自盡例發近邊充軍親老不准留養

嘉慶二十四年案

調姦僕婦不從被咬落舌尖

提督 咨送民人程二調姦僕婦張吳氏被吳氏咬落舌尖一案查律載奴婢毆家長長期親傷者斬監候又斷罪無正條援引比附應加應減議定奏

聞又例載姦家下有夫之婦笞四十居喪犯姦者加二等各等語今張吳氏係程二故父契買婢女配給家人張成為妻程二現有胞兄程大係屬吳氏家長期親

家長與婢女通姦其婢因勢有所制情非得已從寬免議道光五年直督題李克名毆死田狗兒案內來廝兒

查家長及家長親屬調姦家下之婦被本婦拒傷向無治罪專條前皆援引毆傷家長之例酌量辦理此案吳氏因屢被程二調姦堅拒不從曾告知主母馬氏將程二斥責嗣吳氏在程大之妻房內睡熟程二復乘間進房起意圖姦拉其衣服吳氏驚醒不依程二卽強撲吳氏脖項親嘴吳氏無可抵拒哄令將舌尖伸入伊口咬下舌尖卽時喊叫程二畏懼脫手當經吳氏之夫張成聽聞進房查問吳氏向訴情由張成聲欲報官程二央求免報并懇將所咬舌尖給還

刑案匯覽

家奴與家長之  
期親通姦姦生  
子因名分所繫  
求便責令姦夫  
永屬撫養應飭  
縣交養育堂收  
養道光五年直  
督岑陳貴與姦  
李氏通姦正犯  
病故案

卷三十三 刑律類案

三 家奴及雇工人姦  
家長妻

吳氏不允經程二之母妻說合許將吳氏夫妻兩口  
身契檢還放出吳氏允從給還舌尖頭事已寢息旋  
被該衙門訪獲咨送到部恐有設計誘詐故陷伊主  
情事嚴加究詰據吳氏堅供實係一時起意欲絕圖  
姦之心是毀由調姦自取吳氏尚無豫謀詐害情節  
與有心干犯不同未便竟坐以毆傷家長長期親擬斬  
之條惟其當圖姦之時一經喊嚷則眾眾皆知何難  
拒絕乃誘令伸舌入口卽行咬下未免涉於機詐應  
將張吳氏於毆家長長期親斬律上酌量減一等擬杖

一百流三千里係婦人不准收贖定地發配程二父  
喪在室尚未逾月輒與僕婦調姦殊屬不堪若僅照  
家長姦家下有夫之婦加居喪罪二等擬以杖六十  
未免過輕應再加枷號三個月吳氏之夫張成訊明  
程二之母馬氏情願放出應予省釋毋庸議追身價  
等因乾隆四十二年六月十二日奉

旨程二圖姦僕婦致舌尖被咬本屬自取至吳氏因拒姦  
臨時起意並非設計誣誘所擬杖流著加恩寬免餘依  
議欽此 通行本內案

蒙古台吉戶下  
人姦家長妻妾

理藩院 奏凡台吉正身戶下卽與奴婢無異兼轄  
戶下與正身奴婢有間嗣後台吉等正身戶下喇嘛  
與家長妻妾通姦照奴婢與家長妻妾通姦刑律辦  
理如兼轄戶下喇嘛與家長之妻通姦將姦夫姦婦  
均擬絞監候與家長之妾通姦姦夫姦婦各鞭一百  
此案扎薩克台吉郎滾扎布之妻德勒格爾與兼轄  
戶下喇嘛達木丕勒通姦應俱照新例擬絞監候又  
台吉之妾扎拉扣與喇嘛巴英珠爾通姦俱照新例  
鞭一百等因奏准

嘉慶十五年直隸司通行

姦部民妻女

旗員與官房看守之尼僧通姦

尼僧犯姦杖決枷贖家貲居喪及僧道犯姦條

盛京將軍 奏已革外郎高輔廷先與尼僧通姦復將防禦應得流罪誣為死罪驍騎校薩隆阿因尼僧本貢在官房看守輒與兩次通姦將高輔廷薩隆阿均依軍民相姦例枷杖經本部將高輔廷改依誣輕為重至死罪未決律擬以滿流薩隆阿改照官吏姦所部妻女律加凡姦罪二等擬杖七十徒一年半均係旗人折枷發落尼僧本真於為尼時與高輔廷在廟內姦宿後還俗與伊為妻被責逃出復在官房與薩

把總與民婦通姦後娶為妻室

隆阿通姦并向高輔廷挾制訛詐應照尼僧犯姦例於木巷門首枷號兩個月杖一百

嘉慶二十一年奉天司案

浙撫咨陳邦太係衢鎮左營把總輒與民婦程方

氏通姦後復假名冒娶實屬有虧行止例無專條惟

陳邦太冒娶之由究因戀姦所致自應仍科姦罪按

官吏姦所部妻女加凡姦罪二等應於職官姦軍民

妻例杖一百加二等擬杖七十徒一年半程方氏依

姦婦例枷號一個月杖一百

嘉慶二十五年案

東撫奏張王收留匪犯之女大蕭大姐等通姦查

經歷家人收留匪犯之女通姦

大使與民婦通姦並留管家務

張玉係經歷李俊文家人該犯與匪犯之女大端大姐等通姦亦與在官吏役相同將張玉比照官吏姦囚婦律杖一百徒三年

嘉慶二十一年案

浙撫咨曠大平係捐納吏目簽掣浙江咨補安溪務大使到任後眷屬寓居省城有仁和縣民人王盛占因赴淮安生理將妻俞二姑婢女彩雲託交妻父俞敬懷照看嗣俞敬懷以彩雲年長贈與曠大平為妾俞二姑往看彩雲隨與曠大平調戲成姦時常姦宿旋即姦生一子曠大平因赴甘解餉計俞二姑管



理家務經縣訪問叅革查曠大平與民人王盛占之  
妻俞二姑通姦實屬卑鄙無恥雖訊無倚官強占情  
事亦未便依職官犯姦例擬杖應將曠大平比照  
木管官姦所部妻女加凡姦二等律杖七十徒一年  
半俞二姑照例杖一百枷號一個月

嘉慶九年所見  
集案

居喪及僧道犯姦

尼姑犯姦杖罪  
決枷號收贖

安徽司 查婦女犯姦杖決枷贖例有明文至僧道

尼僧犯姦枷杖例內並未載明尼僧應准贖枷惟查

尼僧亦係婦女且一經犯姦即應還俗實與尋常婦

女無異例不言尼僧枷贖亦猶軍民相姦姦夫姦婦

枷杖例內不言姦婦枷贖以名例既有明文不必逐

條分載故也今安撫題僧合志等其殿饒龍順身死

案內尼僧有尼姑與僧受詠通姦該省將有尼姑杖

決枷贖係屬照例辦理似可照覆惟檢查各司辦過

僧姦有夫之婦  
杖六十徒一年  
加枷姦婦照例  
枷杖道光五年  
直隸司達詠現  
審案

刑案匯覽

卷五十三 刑律犯姦

三 姦 居喪及僧道犯

成案門有未能盡一者應傳知各司存記以免歧誤

道光七年說帖

道士和姦有夫之婦

蘇撫 奏張從位殺死三命案內道士李九賢與張傅氏通姦依姦有夫之婦杖九十律上加二等杖六十徒一年先於本寺觀門首枷號兩個月年逾七十照例收贖勒令還俗爲民張傅氏依軍民相姦例枷杖  
嘉慶二十五年案

道士嚇逼有夫之婦通姦

奉尹 咨道士孫幅全嚇逼屈張氏成姦復毆嚇本夫屈開林允許通姦以便任意淫實屬無故擾害

僧人和姦敗露  
姦婦自盡

僧犯姦拐情節  
狡詐不准投首

刑案匯覽

應照棍徒擾害例擬軍係道士仍盡本法加枷號兩  
個月 嘉慶二十五年案

西城察院 移送僧人悟量與李安王之妻張氏通

姦致氏被伊夫盤詰情急自盡將悟量依姦婦因姦

敗露羞愧自盡例滿徒上加二等杖一百流二千五

百里仍在本廟門首枷號兩個月

嘉慶十八年四川  
司現審案

浙撫 咨外結徒犯僧大善先與鳳金通姦後商令

鳳金剃髮同逃旋因聞拏投首照和誘擬軍例減一

等擬以滿徒仍盡本法枷號兩個月經本部以姦不

卷五十三

刑律犯姦

義居喪及僧道犯

僧與追薦亡夫  
之婦通姦

僧尼道士犯姦  
應加枷號

惟首犯僧人犯姦復令姦婦剃髮同逃情殊狡詐不

准減等  
嘉慶十八年案

浙撫 題郭淙海毆死龔阿茂案內僧源澄因胡徐  
氏至庵爲伊改夫拜經追薦是胡徐氏尙有不忘其  
夫之心僧源澄向其調戲成姦與姦有夫之婦無異  
將僧源澄依僧道姦有夫之婦照律加二等於和姦  
有夫者杖九十律上加二等杖六十徒一年仍於本  
庵門首枷號兩個月  
嘉慶二十三年案

山東按察使 奏查律載和姦杖八十有夫者杖九

僧與人雜姦照  
僧道犯姦枷號  
兩個月杖一百  
嘉慶二十五年  
旨省發懷案

山東道士高起  
犯姦拐擬軍加  
枷嘉慶二十二  
年案

刑案匯覽

十刁姦者杖一百又僧尼道士女冠犯姦各加凡姦  
二等又例載僧道及尼僧女冠犯姦者依律問罪各  
於寺觀庵院門首枷號一個月發落各等語誠以此  
輩業已身入空門不修五品之倫當絕七情之欲豈  
容復以男女淫邪之事破法戒而亂清規故別立科  
條較凡人爲加重意甚深也第邇來定例軍民相姦  
業已改爲滿杖枷號而僧道犯姦之條仍循其舊未  
之增易是仍與凡人無所區別殊與加等之律意未  
符應請嗣後如遇僧道及尼僧女冠犯姦之案應照

湖南僧覺信犯  
姦拐擬軍加枷  
嘉慶十九年案

各省僧道有犯  
姦賊盜竊以及  
違例收徒之案  
其該管僧道官  
但失察不行舉  
報者斥革嘉慶  
十七年禮部通  
行

軍民相姦枷號一個月杖一百例再加枷號一個月  
發落等語刑部查僧道犯姦按律本應加等但律止  
有杖徒之罪而無枷號之法例於軍民犯姦既增爲  
滿杖枷號則僧道之犯姦自應按照加等之律文加  
以枷號日期庶於律意符合應如所奏嗣後僧道尼  
僧女冠犯姦係和姦者照軍民相姦枷號一個月杖  
一百例於本寺觀庵院門首再加枷號一個月其枷  
號兩個月杖一百其姦有夫之婦及刁姦者照律加  
二等分別杖徒治罪仍於本寺觀庵院門首各加枷

號兩個月等因奏准

乾隆二十五年通行已纂例



官吏宿娼

職官挾優飲酒  
醉斃優伶

刑部 奏候選知縣曹六典挾優飲酒醉斃優伶私  
擡出城隱匿不報等情一案道光八年十二月初七  
日奉

旨此案候選知縣曹六典以職官挾優飲酒有乖行止復  
於該優人醉斃之後賄囑官人隱匿不報希圖掩飾尤  
爲荒謬著卽革職發在軍臺効力贖罪曹莖以候選道  
員不知檢束狎比優伶實屬有玷官箴著卽革職以示  
懲儆餘依議欽此

邱松

買良爲娼

買良爲娼及宿娼

直隸司 查律載縱容妻妾與人通姦本夫姦夫姦婦各杖九十又例載軍民相姦者姦夫姦婦各枷號一個月杖一百各等語是辦理縱姦之案本夫律應杖九十者始將姦夫姦婦一律擬杖若本夫係買良爲娼例應枷號充徒則姦夫係宿娼之人向照軍民相姦例問擬枷杖今直隸司審辦劉老兒因圖漁利將妻子氏送至窩娼之郭李氏等家賣姦並因岳三休回之高氏年輕謊稱爲妾價買至家令其一同賣

姦是劉老兒實係買良爲娼與尋常縱容妻妾與人  
通姦者不同旣將該犯照例問擬枷號充徒其案內  
買姦之王五張三卽不得復依縱姦律僅擬杖九十  
該司原擬照軍民相姦枷號一個月杖一百似屬允  
協至四川司審辦王四買娶胡志祥之妻邢氏爲妾  
令同伊妻張氏賣姦一案前因訊係縱姦先將姦夫  
胡元韓四審擬杖責發落一面行查王四有無誘拐  
別情今查明王四係屬買良爲娼例應枷號充徒則  
案內買姦之胡元韓四亦應改擬枷號案內聲稱該

價買被夫休妻  
之婦爲娼

一此已於前案發落毋庸再議實屬辦理兩歧擬將  
四川司稟尾卽照直隸司之案一體更正以符定例  
惟查各司辦理此等案件多未盡一應請傳知各司  
一體遵辦再查失察土娼地方文武各官例有處分  
劉老兒一案提督原文內聲明武職係會同拏獲應  
免開叅其文職並未議及王四一案文武俱未提及  
今於各案尾另行添敘

乾隆五十四年說帖

盛京刑部 咨 宮玉擾害案內之張盧氏價買郎氏爲  
娼聲明郎氏雖係良家之女自幼聘給杜勤爲妻因

婦女逼勒人賣  
姦擬軍收贖後  
再犯酌量監禁  
案載工樂戶及  
婦人犯罪條

僱買犯姦之婦  
送往審內賣為

不守婦道伊夫將其休棄嫁賣張盧氏收買為娼甘

心聽從礙難以良人婦女論將張盧氏等依賣休買

休律分別杖責經本部以郎氏因與伊夫杜勤不睦

將其休棄另嫁郎氏並無犯姦實據係屬良人婦女

張盧氏託梁義等將其契買賣姦即屬買良為娼將

張盧氏改依買良為娼例枷號三個月杖一百徒三

年梁義等改依媒合人減一等枷號兩個月杖九十

徒二年半

道光二年奉天司案

提督咨送柴四價買張太旺之妻千氏送至審內

媒人不知旗女  
轉賣娼家為女

雇覓良民引誘  
雞姦復令賣姦

賣姦查干氏曾經張太旺縱令賣姦之人不得以良  
婦論將柴四於買良為娼例量減一等枷號入十五  
日杖九十徒二年半

嘉慶二十四年浙江司現審案

廂黃旗 咨送已故都司明喜之女駱駝姐被伊嫡  
母賣與民人為女後經李老兒媒合轉賣與娼家賈  
富貴為義女李老兒不知駱駝姐係屬旗人且駱駝  
姐並未賣姦將李老兒依買良為娼媒合人減一等  
例再量減一等擬杖八十徒二年

道光元年浙江司  
現審案

晉撫 咨田玉雇覓良民斬自來子等引誘雞姦復

開設浴室雇覓  
良家子弟賣姦

開設剃頭鋪縱  
令鉤夥賣姦

窩招賣姦漁利將田玉比照誘買良家之子爲優例

枷號三個月杖一百徒三年  
嘉慶二十一年案

晉撫 咨張添佩開設浴室商同劉珍等雇覓趙市  
則等賣姦漁利趙市則等本係良民將張添佩比照  
誘買良家之子爲優例枷號三個月杖一百徒三年  
劉珍等依爲從減一等如號兩個月杖九十徒二年  
半  
嘉慶二十二年案

提督 咨送李常開設剃頭鋪雇李順兒作夥嗣李  
順兒被人雞姦將所得錢文分給李常卽圖利縱容

開剃頭鋪雞姦  
徒弟復令賣姦

客店容留男子  
雞姦

刑案匯覽

賣姦將李常比照窩頓流娼月日經久例杖一百徒

三年  
嘉慶二十四年廣西司現審案

提督 奏送陳大王玉興各自開設剃頭輦棚先將  
學徒鋪夥自行雞姦復令其賣姦分使錢文將陳大  
王玉興均照窩頓流娼月日經久滿徒例再加一等  
擬杖一百流二千里房主並不知情照例不坐并免  
入官  
嘉慶二十四年奉天司現審案

提督 咨送黃七兒等開張客店容留剃頭人在店  
賣姦即與窩頓無異應比照窩頓流娼係偶然存留



例枷號三個月杖一百

嘉慶二十五年貴州司現審案

拆毀申明亭

宗室毀損官廳  
門牆毆傷步甲

宗室拉勸裁跌  
撞折官廳鎗桿

提督 咨送宗室興寶因與張六爭角赴官廳喊送  
經該班步甲攔阻興寶不服往內掙走致將該廳板  
牆上柵欄木檔擠斷并順取木檔毆傷步甲復因該  
應官喝問興寶欲進內申訴逞忿將風門用力猛推  
跌倒摔碎雖非有心拆毀惟種種肆橫應比照拆毀  
申明亭律杖一百流三千里 道光三年江西司現審案  
提督 咨送宗室奕坦因見果恒攔住劉二掀毆趕  
攏拉勸因被擠裁跌手扳鎗架致將鎗桿撞折並無

旗員爭鬧踰折  
官廳鎗桿

有心扳撥情事惟官廳設立鎗架用以彌盜防奸與

申明亭無異將奕坦比照拆毀申明亭擬流律量減

一等杖一百徒三年

道光二年貴州司現審案

貴州司 奏藍翎長雙福在

東華門外大柵欄內該班飲醉囁罵將隊長額爾登布

推搦經本管前鋒待衛六十八聽聞斥阻雙福不服

舉拳欲毆經人勸散額爾登布因挾推搦之嫌即將

陳設鎗桿踰折圖賴復愆令六十八裝傷捏告并糾

約該班眾兵丁到官同聲誣陷以雙福雖無傷官毀

械情事惟在附近

禁門該班處所滋事應照旗人酗酒滋事例發黑龍江  
當差額爾登布毀棄軍械圖陷人罪應比照拆毀申  
明亭板榜律擬流不准折枷發往新疆當差六十人  
聽憑裝傷誣稟應照溺職例革職奉

旨額爾登布著先在刑部枷號三個月滿日重責三十板  
再發往伊犁充當苦差侍衛六十人著卽革職發往盛  
京充當苦差等因欽此  
嘉慶二十二年現審案

因醉站立不穩  
扳壞官廳鎗架

提督 咨送張奎兒因飲醉站立不穩扳壞鎗架按

屢次滋事復又  
爭鬥誤扳鎗架

毀棄官物准竊盜加二等應杖九十惟鎗架係陳設  
戎器非尋常官物可比該犯以屢次行竊擬罪減免  
之賊輒因醉將鎗架扳壞應酌加枷號一個月該犯  
無力賠償應由該衙門自行修理

嘉慶二十五年直  
隸司現審案

提督 咨送柳新手扶鎗架被柳大拉跌誤將鎗架  
帶倒與逞兇扳倒者有間惟該犯先經屢向柳大等  
借錢爭毆遞籍潛逃復向柳大尋毆並與楊四雞姦  
平空將高三等誣告擬徒按減之後復與柳大揪扭  
致將官廳鎗架帶倒未便拘以從前所犯各案既經

旗人技嫌扳折  
禁門長鎗圖賴

擬徒例不重科應將柳新照擬徒無故擾害例量減  
一等擬杖一百徒三年

嘉慶二十二年四月西司現審案

景運門值班大臣 奏德楞額扳折長鎗一案查已革  
前鋒德楞額先因誤差曠班被木管委侍衛扎隆阿  
褫革報逃嗣因貧苦無聊適於

神武門外見一人在前行走誤認係扎隆阿該犯觸起  
前嫌欲向不依因其走進屋內未經追及輒將

神武門外長鎗扳折欲向圖

神武門係

生員刷黑費門  
比律擬流案載  
攬納稅糧條

禁門重地警衛甚嚴該犯膽敢扳折安設長鎗若僅照尋常扳毀鎗架之案比例擬流殊不足以昭州戒德榜額應於拆毀申明亭中板榜擬流律加重發近邊充軍業已銷除旗檔應照良人發配折責安置扳折長鎗已據該大臣咨送武備院修理亦毋庸議

道光十一年邸抄

賭博

無論何項賭具  
凡賭輸贏皆是

江蘇司 審辦劉二用洋拐子骨擲賭錢文照賭博

例治罪一彙奏

諭應否照賭博定擬交館查核等因遵查例載賭博不  
分兵民俱枷號兩個月杖一百凡以馬吊混江賭財  
物者俱照此例治罪箋釋云賭博不拘雙陸弈碁之  
類凡用財物賭賽以決勝負者皆是各等語檢查成  
案乾隆五十二年七月內有山東司董玉等用木篋

三枝做套大糖誘人賭錢一案又五十三年七月內



浙江司楊壽見等用骨牌頂牛賭錢一案以上二案  
均照賭博例治罪在案此案劉二用羊拐子骨與孩  
童擲賭錢文查羊拐子骨雖非例禁賭具但該犯用  
以賭賽勝負輸贏錢文卽屬賭博核與董玉等用木  
簽做套大糖賭錢各案情事相同該司將該犯照賭  
博不分兵民例枷號兩個月杖一百似屬妥協

乾隆五十七年說帖

造賣賭具已成  
不分已賣未賣

奉天司 奏竊查定例所載造賣賭具各條分晰造  
賣販賣爲首爲從及已成未成刻印賭具等項固已

旗人進賣賭具  
擬軍例道光五  
年已刪除

明晰周詳情法允當惟查例開旗人造賣紙牌骰子  
爲首者發極邊烟瘴充軍爲從發邊遠充軍俱折枷  
號發落民人爲首者發邊遠充軍爲從杖一百流二  
千里詳繹例意不曰製造紙牌骰子而曰造賣紙牌  
骰子是必造而已賣方與此例相符若造而未賣者  
雖屬故違禁令尙未貽害地方按其情罪原與造賣  
者有間但例內未經指明作何懲治是以內外問刑  
衙門往往援引紛歧辦理互異有竟照造賣例問擬  
充軍者亦有照造賣例擬軍並請減等發落者等

骰子雖未成副  
仍依賭具論失  
察賭具職名應  
免開送清光五  
年直隸外結賭  
博王克儉案

紙牌雖不成副  
第既堪以賭博  
卽屬出有賭具  
照例擬徒道光  
五年直督題張  
公命案內

雖經酌情量減行令遵照完結但未聲明畫一究屬  
無所遵循且恐將來任意輕重而下其手反滋弊端  
今<sub>臣</sub>等伏查律例館新書內載造賣未成照造賣已  
成者減一等治罪一條現在纂輯例文亦不言製造  
未成而言造賣未成則造而未賣者原可引用擬斷  
毋庸另立科條再查描畫紙牌亦未註明已賣未賣  
似應一體分別遞減庶歸畫一而昭平允事關申明  
條例相應奏明乾隆七年八月二十八日奉

旨仍著一體治罪不必分晰欽此  
通行

拾骰三顆賭博  
仍照賭具擬徒

買得骰子給人  
聚賭抽分錢文

在途檢獲紙牌  
欲行售賣

刑案彙覽

直督 題許然案內之劉得拾骰三顆聚賭並未成  
副應仍按開場窩賭例擬以枷杖經本部改照出有  
賭具不將造賣之人供出例擬杖一百徒三年  
嘉慶十八年案

江西撫 咨余時保因在荒貨擔上買得憑天倒骰  
子開場窩賭並將骰子分給周組善等開賭逐日領  
取攤場分使贏錢即與販賣賭具無異將余時保比  
照販賣骰子為首例擬杖一百流二千里  
道光二年

提督 咨送魏良吉在途檢拾紙牌欲行售賣即被

販賣賭具未賣  
被獲

置買賭具欲賭  
未成

拏獲與買得賭具販賣者有間應照販賣賭具擬流  
例量減一等杖一百徒三年

道光元年直隸司現審案

北城察院 移送韓二販賣寶盒尚未售賣即被拏  
獲係屬販賣未成應照販賣賭具擬流例量減一等  
杖一百徒三年

道光元年湖廣司現審案

北城察院 移送王三造賣賭具案內買骰之史大  
係圖賭博使用並非販賣即被拏獲亦未經聚賭且  
將造賣之人供出應將史大照違

制律擬杖一百

嘉慶二十二年江蘇司現審案

製造竹牌比照  
捕盜紙牌

明知造賣賭具  
受雇雕刻

明知造賣賭具  
代將骰子押錢

浙撫 咨外結徒犯應李氏製造竹牌該氏以竹為  
牌用色點染與捕盜無異應比照捕盜紙牌照造賣  
減一等例擬杖一百徒三年係婦人照例收贖

嘉慶二十五年案

浙撫 咨徐老五造賣紙牌係雇楊廷雕刻牌板雖  
訊非夥同造賣應將楊廷比照販賣為從例擬杖一  
百徒三年 嘉慶十九年案

北城察院 移送程二造賣賭具案內之穆生和於  
程二將骰子託伊轉賣並未應允迨程二將骰子三

賭犯因妻自盡  
始行首出賭博

誘賭局騙已立  
票據計贓科罪

副央懇押借錢文輒卽應允將骰子代爲收藏穆生  
和應比照地方保甲知造賣之人不首報例擬杖一  
百 道光三年湖廣司現審案

浙撫 咨外結賭博內張允然賭輸錢文與妻方氏  
爭吵致方氏自盡報官呈明惟該犯因妻自縊始行  
呈出賭博與自首不同應照知人欲告而自首者減  
罪二等於賭博罪上減二等杖八十枷號五十日  
嘉慶二十五年案

河南司 審辦盧士勝等誘賭局騙張紹基輸欠銀

開標糾眾聚賭  
比照花會首犯  
抗軍嘉慶十九  
年江西省深世  
墳谷案

錢寫立票據一案職等查詭騙之案一經立票收執

雖賊未入手卽應與已得賊同科况此案在逃之盧

士勝糾同現獲之李德揚等兩次開場局賭賊至八

千八百兩之多勒寫欠票且有女人胡金氏在場情

近花會陶章五復開而效尤各自起意糾夥設局誘

賭賺錢五千吊亦寫有票據局騙賊至累千情節實

爲可惡該司審明雖係虛賊惟詭令寫立票據卽與

入手無異將該犯等依詭賺局騙人財物律分別首

從科罪洵屬允協檢查嘉慶二十一年江蘇司審辦



開設花會擬軍  
流徒各犯應不  
准留養亦毋庸  
援減道光九年  
刑部咨請通行

誘賭案內出有  
賭具擬徒留養

葛明等誣騙潘四一案亦係誘賭局騙贓至四千餘  
兩寫立借券贓未入手依局騙得財律計贓分別首  
從問擬流徒題結此案與葛明成案相同應請照辦  
嘉慶二十四年說帖

直督 奏劉煥若等開場誘賭並施希文懷疑妄控  
伊弟施希太被入讐害致屍遭蒸檢一案查案內之  
陳文魁因聽從劉煥若開場誘賭出有賭具事發被  
獲脫逃復被拏獲照律加等擬流並不在不准留養  
之例至施希太係因病身死亦非該犯逼索賄次輕

直督題賀瑞查  
等賭博誤學張  
有發受驚身死  
比照誣告人致  
死例量減擬流  
嘉慶十八年某

生該犯既係母老丁單應准留養該同擬以不准自

應改正

稟

尾此案劉煥若起意商同陳文魁等開場

誘賭抽頭陳文魁出有賭具及被獲送縣該二犯復  
敢中途脫逃自應加等問擬劉煥若合依開場誘賭  
初犯擬徒例加二等杖一百流二千五百里陳文魁  
合依賭博出有賭具擬徒例加二等杖一百流二千  
五百里據該督聲稱陳文魁母老丁單惟罪關開場  
誘賭釀命應不准留養等因查開場誘賭不在不准  
留養之例至施希太係因病身死非由該犯逼索賄

欠輕生該督擬以不准留養殊未允協應令將該犯

照例枷責准其養親

嘉慶十七年就帖

設局誘賭逼欠  
釀命

江西撫 咨余紹連等串商局賭抽頭復因逼索賭

欠致余以幸被逼自縊訊係余紹連起意於酒肆局

賭卽與駕船誘賭無異將余紹連比照駕船誘賭一

次例杖一百徒三年余紹魁照爲從減一等杖九十

徒二年半均係比例問擬免其刺字

道光二年案

積慣設局誘賭  
扣留行李

直督 咨姚昆山先經夥同陳順庭等在姜顯位店

內誘賭繼復開設歇店囑令陳順庭楊順民假扮行

誘賭捏增輪艇  
拉赴空房逼索  
致人脫逃溺斃  
照因盜威逼致  
死量減擬流案  
載恐嚇取財條

客設法誘客賭博擄留行李至二十餘次姚松林亦  
隨同賭博多次應將姚崑山陳順庭楊順民姚松林  
等四犯均比照無賴匪徒駕船設局勾誘賭博擄留  
行李三次以上例發雲貴兩廣極邊烟瘴充軍仍以  
四千里為限左面刺誘賭匪犯右面刺烟瘴改發首  
犯姚崑山先行枷號一個月姜顯位容留姚崑山等  
兩次在店誘賭分贓後復代賃房屋知情抽頭即屬  
為從應比照船戶知情分贓初犯照為從例杖一百  
徒三年

道光五年案

結夥誘賭勒寫契作抵

局賭勒田作抵致令自盡案載恐嚇取財條

因賭博威逼人致死

廣西撫 咨外結徒犯俸攀驥與倖衛邦始則串同合夥將周興蘭局賭輸錢繼又勒令周興蘭寫契將田作抵雖勾誘賭博係倖衛邦起意而勒契押田係俸攀驥作主實與匪徒誘賭無異將俸攀驥倖衛邦均比照匪徒串黨駕船設局誘賭折沒貨物初犯例各杖一百徒三年 嘉慶十八年案

直隸司 此案張金斗出有賭具與楊普郝起業等賭博楊普輸欠張金斗等錢文張金斗邀同郝起業向索楊普無錢歸還愁急莫釋投稟殞命查張金斗

因賭威逼擬徒  
留養止應枷號  
一個月毋庸再  
盡本法加以枷  
號案載二罪俱  
發以重論條

賭博出有賭具罪應滿徒郝起業在場同賭罪應枷  
杖其向楊普索討賭欠以致忿急自盡係屬威逼人  
致死罪止擬杖例內既無因賭威逼作何加重明文  
自應按二罪俱發以重論之律將張金斗依出有賭  
具例擬徒郝起業依賭博例擬以枷杖該督將張金  
斗郝起業名於木例上量加一等分別擬以流徒係  
屬錯誤應卽更正張金斗除威逼人致死輕罪不議  
外應改依賭博不將造賣之人供出卽將出有賭具  
之人照販賣爲從例杖一百徒三年仍盡威逼本法

看賭旁人見兵役拏賭輒向求釋致被一併拏獲拒殺兵役案載罪人拒捕條江蘇朱堯治

賭博威逼擬杖仍盡本法枷號

追出埋葬銀一十兩給付屍屬具領郝起業除聽從威逼人致死輕罪不議外應改依賭博不分兵民例枷號兩個月杖一百事犯到官在本年五月二十三

日清理庶獄

恩旨期內張金斗應減爲杖一百郝起業枷杖寬免

道光十二年說帖

晉撫 咨外結賭博李懷錫因向張子桂逼討賭欠致張子桂被逼自縊將李懷錫依威逼人致死律擬杖一百仍盡賭博本法加枷號兩個月追埋葬銀給

賭博刃傷擬徒  
毋庸仍盡不法

父子造賣賭具  
年老收贖留養

頌  
嘉慶二十五年案

直督 咨外結賭博馬得功與劉忠賭博關毆因被  
陳王氏置罵用刀將陳王氏扎傷平復馬得功除賭  
博枷杖輕罪不議外應從重依刃傷人律擬杖八十  
徒二年 嘉慶二十五年案

提督 咨送劉全德等造賣賭具一案訊係該犯教  
令其子造賣應照律罪坐其父第該犯年逾八十律  
不坐罪應將伊子照造賣賭具例擬軍犯母年已七  
十仍准其存留養親 道光五年直隸司現審案



旗人窩賭不論  
久暫銷除旗檔

安徽司 審擬宋長春等聚賭一案查本年四月內  
廂黃旗都統英 奏懲勸旗人摺內聲請嗣後旗人  
窩賭及造賣賭具俱銷除旗檔照民人徒流軍遣二  
體問擬不准折枷等因奏准在案此案旗人宋長春  
在不識姓名打鼓擔上買獲骨骰七顆舊紙牌竹牌  
各一副欲行轉賣獲利因尚未賣出隨與旗人陳成  
瑞等賭博卽被拏獲查章程內所稱窩賭旣未分別  
久暫是偶然會聚開場亦卽在應銷旗檔之列況該  
犯係買獲賭具未便折枷完結應請將宋長春一犯

賭娼輟棚房鄰  
治罪房屋入官

銷除旗幟照民人一體問擬不准折枷以昭平允而

歸畫一  
道光五年現審案說帖

山東司 嘉慶十六年六月十四日奉

旨步軍統領衙門奏請將出租開設賭局之房間棚座之  
官懲創並請嗣後明定規條等語此等游手匪徒經年  
累月聚賭不散其房屋及搭棚鋪戶斷無不知明係將  
房間棚座重利出租知情容隱不可不一併懲創俾從  
前既未飭禁此時亦未便坐罪姑先酌量薄懲所有此  
次聚賭各案之房間棚座著概行入官至此後若再有

似此干禁圖利者則不但將房屋棚座入官並當將房主鋪戶治以應得之罪其應如何分別治罪之處著交刑部議奏奏聞歸入條例如係租住官房並著內務府將經管官房之人查明懲治此外窩娼及輓棚等案其房間棚座均卽照窩賭之例究辦欽此臣等伏查京師重地理宜肅清匪徒聚賭窩娼及開設輓棚最爲風俗人心之害然該犯等肆行不法若非牟利之輩貪圖重價將房屋棚座租給則該犯等託足無所不能逞其伎倆仰蒙

旗人開場誘賭  
容留房主之例  
道光五年已刪  
除

聖明洞鑒將現在查辦窩賭窩娼及開設輟棚等案

棚座概行入官並令酌議房主鋪戶治罪條例實爲

正本清源之道查例載賭博不分兵民俱枷號兩個

月杖一百偶然開場窩賭及存留之人抽頭無多者

各枷號三個月杖一百又旗人開場誘賭經旬累月

初犯發極邊烟瘴充軍再犯擬絞監候容留房主初

犯發極邊充軍再犯發極邊烟瘴充軍又民人開場

誘賭經旬累月初犯杖一百徒三年再犯杖一百流

三千里存留賭博之人初犯杖八十徒二年再犯杖

兩鄰杖八十之  
例已於十四年  
修改改爲杖一  
百此內似係誤  
引舊例

一百徒三年又經旬累月左右兩鄰如有通同徇隱  
不卽舉首者照不應重律杖八十又律載賭博攤撮  
財物入官賭坊亦入官又例載窩頓流娼土妓月日  
經久者杖一百徒三年再犯杖一百流三千里鄰保  
知情容隱者杖八十各等語是容留旗民開場聚賭  
之房主及徇隱不舉之鄰佑例無治罪明文自應重  
申例禁至窩賭及開設輦棚事同一例其知情之房  
主鄰佑應卽照此分別酌立科條以示懲創臣等公  
同酌議應請嗣後京城內外拏獲賭博除訊係偶然

開設輓棚月日  
經久房主不知  
情毋庸入官嘉  
慶二十四年奉  
天司琨審奏案

聚賭窩賭存留之人照例治罪房屋免其入官外如  
開場聚賭經旬累月其租給房屋棚座之房主鋪戶  
均照容留旗民開場聚賭定例分別治罪鄰佑亦按  
例定擬房屋棚座概行入官其窩娼並開設輓棚月  
日經久之房主亦照窩賭例初犯杖八十徒二年再  
犯杖一百徒三年知情容隱之鄰佑杖八十房屋入  
官若甫經窩娼及開設輓棚卽被拏獲房主鄰佑實  
不知情不坐如業主所置房屋交家人經手出賃有  
賃給聚賭窩娼開設輓棚者伊主實不知情罪坐經

手之人倘係官房即將知情和給緝于官房之人究

明分別窩賭窩娼轉棚亦卽照前例治罪

嘉慶十六年奏准通行已纂例○此案係通飭五城順天府提督衙門徧示街巷

律例館 查雲南司從前審結金山聚賭案內之王

二二犯應否仍發黑龍江爲奴等因

職

等檢查原案

王二係步甲領催因金山在該犯所管地面開場聚

賭經旬累月該犯得受金山錢文分給各兵丁使用

代爲包庇金山照旗人開場誘賭經旬累月極邊軍

界上從重改發黑龍江當差王二與金山一例同科

步甲包庇賭博  
應仍發黑龍江

發在黑龍江給披甲人爲奴奏奉

諭旨王二著加枷號兩年遊示九門滿日再發黑龍江爲  
奴等因欽此查王二雖係由軍罪從重改發之犯惟彼  
時因京師賭風甚熾欽奉

特旨嚴加懲創今該犯枷號滿日自未便照本罪改發內  
地且該犯係旗下家奴投充步甲本應實發黑龍江  
爲奴亦不在調劑黑龍江遣犯改發新疆之列應請  
仍照原案發黑龍江爲奴

嘉慶十八年說帖

京師民人邀集  
抓金會

貴州司 審辦羅文亮起意邀集抓金會例無民人



邀會治罪專條應比照旗人邀集孤金會將爲首邀集之人照違

制律擬杖一百

嘉慶二十二年現審案

家主失察奴僕  
偶然窩賭之例

江西道御史一奏稱偶然會聚開場窩賭及存留之人抽頭無多枷號三個月杖一百奴僕犯者家主係官交與該部保平人責十板查官員交部是否應行議處似應叙明等語 查此條例文係雍正三年以前纂定所稱交與該部自係指交部議處而言定例遵行已八辦並無參差所有該御史奏請於例內

欽明之化應毋庸議

道光十三年通行

囑託公事

大員子弟干豫  
訟事寫信囑託

湖廣司

奏已革貢生周汝楨因本籍土民互毆案

件卽私自寄信於承差回省之便託帶交在籍之給  
事中囑令探聽公事復於信面註寫託交已革湘潭  
縣公館轉寄等情查該革生係大員子弟不知安分  
讀書以紳矜交結地方官殊屬藐法將周汝楨依民  
人附合結黨妄豫官府之事者按一百例上加一等  
擬杖六十徒一年

嘉慶二十四年案

失火

禁卒疎防監犯  
失火燒斃九名

監獄失火提出  
人犯脫逃案職  
獄因脫監及反  
獄在逃條

福撫 題海澄縣監房失火燒斃監犯將典史並提  
半禁卒人等疑徒一案查此案海澄縣監犯林吳氏  
因患胃痛令伴婦邱陳氏在房煎藥將爐內炭火傾  
地被風吹燃起火延燒監房兩號燒斃命案人犯林  
吳氏等三名口盜犯何三等二名並伴婦邱陳氏及  
隨帶之幼女與林吳氏所生男孩大小共九名口該  
省將該管典史並值宿提半及禁卒等俱擬徒具題  
職等查監獄重地防範最宜詳慎豈容令監犯將典

藥餘火隨便傾棄以致被風吹燃焚燬監屋燒斃人  
口至九名之多委擬典史何延康與提牢王彰禁卒  
陳垣許烏林均屬玩忽咎無可辭所擬徒罪均應不  
准援免

嘉慶元年說帖

內務府 奏

御書處失火案

御書處失火一案查會祿充當裱作匠役因製造油紙不  
諳製法以致油性發作自行生火延燒房屋雖與遺  
失火種有間

御書處亦非

宮闕可比惟在

紫禁城內與在外衙署不同將會祿照失火延燒

宮闕絞候律量減一等擬杖一百流三千里

道光二年陝西司現審案○凡油紙重疊收藏自能生火係因製造時拌用土子之故宜考

直隸司 奏文穎館失火延燒房屋一案查廚役李

海元於煤爐酥裂燒透板壁該犯未能先事豫防第

文穎館係修纂書籍之所非

宮闕重地可比惟在

紫禁城內與在外衙署不同將李海元照失火延燒

漢票發處失火

宮闕絞候律量減一等擬杖一百流三千里加枷號兩個月  
嘉慶二十四年現審案

內務府 奏內閣中書鮑唐輪應值宿至夜未經熄  
燭睡臥以致燭花爆燃櫃紙焚燒房屋查漢票發乃  
中書辦事處所本屬公廨惟在

紫禁城內若僅依公廨失火律擬杖八十徒二年與在  
外衙署失火者漫無區別應將鮑唐革去中書於公  
廨內失火律酌加二等擬杖一百徒三年

道光二年廣東司現審案

行宮被火延燒

直督 谷僧人昌玉住持靈雨寺廟牆貼近

行宮重地並不加意防範輒敢於上供後點放花礮致

火礮紙被風吹散延燒

行宮遊廊值房惟

行宮爲

巡方駐蹕之所究與

宮闕稍有區別且燒燬係遊廊值房將昌玉比照延燒

宮闕絞候律量減一等擬杖一百流三千里

嘉慶二十三年案

行宮膳房失火

東陵大臣 奏膳房失火一案查于老奉差打掃膳房並



不謹愼當差輒因身子疲乏點燈睡熟以致失火延燒膳房五間惟所燒膳房係在

行宮大牆以外尙非

宮闕可比將于老比照失火延燒官府公廨律擬杖八

十徒二年

嘉慶二十年山東司現審案

欽差穆 奏

景陵西餘館房後簷被人縱火燒焦尙未延燒犯逃未獲

應將主守甲兵達春等均比照山陵內失火延燒林

木者主守之人減三等律擬杖八十徒二年已革

景陵房後失火

失火延燒房屋  
坍塌壓斃五命

京明安等不能督率甲兵小心防範應於甲兵罪上  
減一等各杖七十徒一年半係旗人折枷贖贖代替  
該班之兵丁得棚額等照守衛人私自代替律杖六  
十  
道光十二年邸抄

山西司 查律載失火延燒致傷人命者杖一百又  
名例載人命案件按律不應擬抵罪止單流徒人犯  
除毆死二命照律從一科斷如至三命者於應得軍  
流徒本罪上加一等三命以上者按照致死人數遞  
加一等各等語此案張蔣因置有花礮花筒燒酒零

星等物在張揖空房寄放嗣於晚間張翥攜帶燈籠行至貨房將燈放在門外口吸煙袋進內取出簍箕詎煙火誤落地上紙內以致火發延燒花礮引及燒酒貨房坍塌打倒張秉端住房致張秉端並妻李氏暨二子一女被壓殞命該撫將張翥依失火延燒民房致傷人命杖一百律上加枷號一個月等因查人命案件按律不應擬抵罪止軍流徒人犯如至三命以上例應照致死人數遞加科斷詳釋例內所稱罪止軍流徒之語係別於罪應擬抵者而言其罪在軍

流徒以下者例內雖未指明惟同一律不擬抵自應  
擬行遞加科斷方與例意相符今張翥失火延燒轟  
塌房屋打倒張秉端住房以致張秉端夫妻子女五  
命被壓身死按三命以上照致死人數遞加之例應  
於失火延燒致傷人命滿杖上遞加三等擬杖八十  
徒二年該撫將張翥擬以杖枷殊未允協至張執中  
係張秉端之叔於張秉端夫妻子女被壓身死並未  
報官輒邀同親戚任治河等棺殮寢息雖張秉端等  
非被人毆死可比惟張執中等私埋匿報究干律擬

太平倉內失火  
花戶人等治罪

乃該撫僅將聽從屠報業已病故之鄉地任久敬擬  
以不應重杖而於張執中等應得之咎亦未議及殊  
屬疎漏本部礙難率覆應令該撫詳叙供招按例妥  
擬到日再議

道光十二年說帖

步軍統領  
倉場侍郎

奏太平倉廩座失火請將管廩值宿花

戶穆親王等交部審訊各一摺  
道光五年三月十二  
日奉

旨本日據步軍統領衙門及倉場侍郎等具奏太平倉失  
火情形向來倉廩重地理應慎重防範從未有被火之

事竊該倉兩字空厥并貯米之鈎字恩字二處同時燒燬非尋常疎虞可比且正當開放甲米之時難保非米數短缺藉此彌縫不可不澈底根究所有太平倉花戶人等著交刑部嚴行審訊務得確情毋任飾詞狡展翼圖推卸倉場侍郎博啓圖程含章查倉給事中李振庸監督善成李德明俱著交部分別議處其燒燬米石並修復厥座應作何分賠之處著倉場侍郎查明具奏欽此臣等查倉廩重地理宜加意防範何至不戒於火且現屆開放甲米之時誠如

聖諭難保非米數短缺藉此彌縫是米數之果否足額及  
致火之確實情形最爲此案緊要關鍵當派司員卽  
刻前赴該倉查勘據稟該倉自朝陽門以南抵東便  
門按建八十六廩止於極北處所設有龍門一座各  
廩後身貼近城牆廩門東向門外車道距倉牆約濶  
二丈餘牆外臨河其牆均無坍塌之處並查明兩字  
空廩全行燒燬鈞字恩字實廩俱止燒去屋頂倉米  
亦僅將浮面熏焦其現在放米及修理各廩均在被  
燒廩座以南相距二里有餘等情旋據該衙門將花

四川靖遠營  
外山上野火延  
燒時值大風將  
火星吹入藥局  
氣眼致將存貯  
火藥硝黃燒燬  
看守兵丁輒離  
役所不能早為  
防範撲滅實與  
自行失火無異  
比照倉庫內失  
火律徒二年酌  
加枷號火藥房  
屋上司分賠乾  
隆五十五年所  
見集案

戶穆觀喜等送部<sub>臣</sub>等還加研鞫緣穆觀喜籍隸大興縣與同縣民人李成祥俱充當太平倉花戶頭役向係輪班在倉值宿每人五日一輪該倉每遇放米之日一切領米及擡斛等簪人夫均在該倉極北之龍門出入有看門兵役在彼經管花戶等均在放米處所當差其各旗營支領米石因挨次搭放有需時刻領米人等間有走入空廩坐歇花戶等不能兼顧至放米完與經該班監督飭令值宿花戶等鳴鑼淨倉驅逐始將龍門封閉本年三月初六日起至初十



江西撫奏新建縣典史衙署被民間失火延燒既據該縣自願賠修毋許稍有派累已燬文卷補抄備案失人延燒官廳之民人徐添典照例杖責文武各官議處道光九年

日輪應穆觀喜值宿初十日該倉開放正監旗甲米係搭放秋字光字二廩米石並修理俯字大字膏字廩座均在該倉極南處所是日傾米及擡斛它符人夫並工程匠役約有四五百名均由現在失火之雨字鈞字恩字廩前經過穆觀喜李成祥等在光秋二廩伺候放米至申刻始行完竣李成祥等均各散去經該班之滿監督善成督令穆觀喜帶同差役石懷錦等鳴鑼淨倉穆觀喜因空廩甚多為時已晚未及逐廩檢點即將龍門封閉隨同監督在龍門外官廳

失火燒死親屬  
不必論其尊卑  
名分案載殿祖  
父母父母條江  
蘇戴邦穩

值宿是夜起更時朝陽問城上該班之廂自旗蒙古  
驍騎校西里布等因倉內突有火光走至倉牆瞥見  
雨字空廐起火卽行聲喊經沿河巡兵張文升等聽  
聞往向監督報知該監督帶同穆觀喜開啓龍門并  
弁兵等一同進倉維時風勢甚大雨字空廐並毘連  
之鈞恩二實廐均已延燒當經官兵等將火撲滅該  
監督稟知倉場侍郎馳赴該倉一面派員盤驗一面  
將倉廐值宿花戶穆觀喜等奏送到部審悉前情惟  
起火之由連日向穆觀喜等嚴行審訊據供實無他

湖竹奏漢岸停泊鹽船船戶黃正呂點燭祀神夜深困倦燭花墜落船內失火延燒湖南回空漕船二隻鹽船一隻並燒燬屍棺兩具將黃正昌革去學武生照失火延燒房屋致傷人命律杖一百嘉慶十六年通行本內案

故惟初十日開放米石並修理厰座均在被燒之雨  
鈞恩三厰以南所有領米及工匠人等均由該處經  
過雨字空厰內貯有舊鋪厰底砂朽木板或係人太  
進厰坐歇遺落煙火封倉時未能逐細檢點以致延  
燒其鈞恩二寶厰存貯稔米但無虧短焉肯放火自  
取賠累至該倉前臨河沿後靠城牆均有弁兵巡邏  
斷無自外放火情事復片傳該監督善成及隨同搜  
倉之差役並該威弁兵到案供無異詞並據倉場侍  
郎查明恩鈞一厰應貯稔米二萬二千六百七十五

石九斗零盤出米二萬二千一百二十石計燠粥連折耗焦爛米共五百五十六石五升四合二勺核與原貯米數相符等因奏明咨部臣等查該倉米石既無虧短則起火緣由自係無關弊竇該花戶等所供各情與該司員等勘驗情形均相脗合似無遁飾應卽按律擬結查律載倉庫內失火者杖八十徒二年等語此案太平倉花戶穆觀晉在倉該班是日開放甲米並修理廩座人夫出入衆多該犯理應嚴密稽察乃任聽人夫進廩坐歇吃煙追封倉時輒因爲時

遲晚未將各廩逐細挨查草率封門以致遺火延燒  
雖訊無因米虧短故燒情弊究非尋常疎忽可比應  
卽坐以失火之罪穆觀喜合依倉庫內失火律杖八  
十徒二年雖母老丁單不准留養石懷錦幫同穆觀  
喜鳴鑼搜查並不逐細檢點雖倉廩非其專責究有  
不合應照不應重律杖八十李成祥於該倉失火之  
日訊非在倉該班應與訊屬無干之城上該班弁兵  
西里布等並看守倉牆之汛兵張文升等均毋庸議  
該倉監督等業經奉

旨交部分別議處應聽吏部照例辦理其燒燬廩座及燬  
灼米石亦據倉場侍郎奏明分別賠修賠補應移咨  
戶工二部查照核辦再臣部前於嘉慶十六二十四  
等年審擬裕豐倉及舊太倉失火各案奏請嚴禁領  
米挖管人夫不准攜帶煙火進倉在案今太平倉復  
有延燒廩座之事自係日久玩生應請

勅下該倉場侍郎申明舊例嚴飭各倉監督每逢開倉督  
同各花戶將領米挖管人等逐細搜查毋許攜帶煙  
火之物仍於封倉時逐廩檢點以昭慎重等因奉

街市稠密之處  
毋許開花礮店

旨依議嗣後每逢開倉著倉場侍郎嚴飭各倉監督督同  
各花戶將領米宅胥人等逐細搜查毋許攜帶煙火進  
倉仍於封倉時逐廩檢點並著倉場侍郎隨時嚴查如  
再有攜帶煙火者卽從重治罪不貸欽此

提督 咨送任天寶呈報鄧六等因炒火藥被燒身  
死一案查嘉慶十六年十二月初三日奉

上諭據步軍統領衙門奏查明崔大花礮作坊燒斃人口  
共有十五命之多其屬可憫向來製造火藥卽官局俱  
在曠濶地方此案民人崔大花礮作坊開設鬧市本屬

取械毆人  
入火燒死二命

非宜著五城逐一查明候飭令遷徙空閒處所以昭愷  
重欽此在案此案任光世係在街市開設花磚鋪應卽  
照違

制律擬杖一百  
嘉慶二十年江西司現審案

川督 題朱欄俸至田洪佐家飲醉與田洪佐口角  
爭毆田洪佐之妻田張氏取高粱旁所放鋤柄向毆  
朱欄俸奪過鋤柄毆傷田洪佐身死因田張氏取鋤  
柄時誤將旁邊高粱撻倒火爐被火引燃延燒房屋  
致將田張氏之女田雙兒田舛疇燒斃田洪佐屍身



赴山砍柴失火  
延燒公夥山場  
照失火延燒房  
屋律管五十道  
光六年直隸高  
太案

阻止採煤折棚  
不期燒斃四命

亦被燒燬將朱欄倖比照毆死一家三命擬斬立決  
例量減為擬斬監候經本部以旧雙兒等被燒身死  
與朱欄倖無干將朱欄倖仍改照關殺本律擬絞監  
候田張氏應照失火延燒自己房屋因而致傷人命  
律擬杖一百 嘉慶十八年案

安撫 奏韋銳遺弟赴京呈控成孔志等爭竊燒棚

燬斃四命一案查律載失火延燒致傷人命者杖一

百又例載人命案件按律不應擬抵罪止軍流徒人

犯除致死二命照律從一科斷外如至三命者旗牌

手挖煤炭用火  
放烟嚇阻燠斃  
數命擬抵案載  
戲殺誤殺過失  
殺傷人條

得軍流徒本罪上加一等三命以上者按照致死人  
數遞加一等各等語此案成孔志先經糾夥在山開  
採煤竈經官查知封禁嗣聞知官大理等潛在該山  
搭棚採煤卽邀同李建等各持木棍前往阻喊罵  
官大理等走避成孔志生氣令李建等動手將棚戳  
毀而去其落下秫秸席片茅草堆塞洞口因有油捻  
燈碗燃著秫草焚燒烟氣逼人密洞致將在內挖煤  
之葉三陳大吳超韋七孜燠斃查成孔志等糾衆前  
往意在毀棚並非有心放火其戳落棚上秫草被竈

赴山祭掃祖墳  
點放火礮燒斃  
四命照過失殺  
收贖閩省吳七  
埋案載處殺誤  
殺過失殺傷人  
條

口油燈引燃焚燒烟氣逼入窖洞燬斃人命實非該  
犯等意料所及與失火延燒無異惟該犯等覺起尋  
鬧致燬斃四命之多若僅照失火延燒致傷人命本  
律擬以滿杖殊覺情浮於法除爲首之成孔志應俟  
緝獲另結外該省將爲從之李建照不應擬抵之人  
命如至三命於本罪上加一等三命以上遞加一等  
例於杖一百罪上加二等杖七十徒一年半爲從減  
一等杖六十徒一年有移情罪尤協官太理一犯以  
失火之案報爲放火斃命係屬誣輕爲重惟燒棚屬

無鋪失火當舖  
分別賠償

竊究與有心誣陷有間照誣輕爲重至死罪未決請  
流上量減一等擬杖一百徒三年亦與例相符均請  
照覆

嘉慶十八年說帖

戶部 奏查典商收當舖貨物按本計利扣限取贖原  
物各歸其主故商民兩無所爭至典物被火焚失事  
屬偶然是以分別賠償多就各該處情形相沿辦理  
未經明定章程今據江督奏稱江蘇安徽江西三省  
既有賠多賠少之不同又有著賠免賠之互異辦理  
殊覺參差恐因此紛紛訴訟請嗣後典鋪自行失火

被焚貨物悉以值十當五計算照典價作準如鄰火  
延燒實係猝不及防因人連累者照值十當五之例  
酌減十分之二扣除本利按數賠償其粗重之米豆  
棉花等物當價較重以貫二貫三遞減者賠不扣息  
利等語查典內自行失火與鄰火延燒情事原有不  
同自當畧爲區分以昭平允嗣後當舖失火其未焚  
及搶出各物仍聽當主照號取贖外其被火焚燬貨  
物應如該督所奏自行失火者以值十當五計算照  
原典價值作爲準數鄰火延燒者減二均按月扣除

息利照數賠償至米麥豆石棉花各物該督糧局聲明均以逢新爲滿是過一年者已不應贖而遞減日期又須在半年以外核計其中月日相去無多似毋庸多列科條致互相抵牾應將貫二名色刪除統以貫三計算照原與價值給還十分之三鄰火延燒者減去原與價值二分以減贖八分之數給還十分之三均不扣除利息按數者賠倘奸商因有此例於失火時將不及五貫軍器物食利隱匿照隱沒之物按所值銀數計贓准竊盜論例治罪仍將原物給還本

主席事理各得其平再查各直省典鋪雖一處有一處情形向來俱未能盡一但窮民質物被焚其可憫之情本無二致相應奏明行文刑部提督衙門各直省督撫斟酌各該地方情形轉飭一體遵照其或亦有一年爲滿當價較重者卽比照此案米豆棉花等物賠償之例辦理

乾隆四十一年奏准通行